



सानसेयारि **“बड'सा”** ख्रीरालाइयाव
स्माज्यादि जिज्जो लोब्धा थानाय रायथाय, बन्धाय,
स्ल', स्ल'बाथा आरो दावबायारि थावनि, पार्क
बाइदिनि स्मायाव लिन्नाय लिन्दिदां हैथाय ठर/
सानसेयारि **“बड'सा”** ख्रीरालाइया सेबखानावै
फोसावगोन।
बड'सायाव लिन्नायनि हुदा खालाम,
“बड'सा” ख्री नोथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 8 October, 2025 Kokrajhar, BTC, Assam ★ Vol.-35, Issue No.193 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

अरुनदय 3.0 खौ हाबाफारि बादियै गोथारै बेखेवबाय

‘अरुनदय’आ जाबाय उदांस्त्रि मोन्नायनि उनाव आसामनि जारिमिननि
बयनिखुइबो देरसिन अन्सायारि बिथांखि: ड॰ हिमन्त बिश्व शर्मा

फैगौ फेब्रुवारि दानआव ‘अरुनदय’नि मुलाम्फायारिफोरा राइज्यो सरकारनिफ्राय मोनसे गेदेर अन्थोब मोनगोन

कक्राझार, 7 अक्टबर :
राइज्योनि गुदि राखान्थिखौ
गोखौ खालामनायनि गुबै
थांखिजों राइज्यो सरकारआ
आखायाव लानाय उदांस्त्रि
मोन्नायनि उनाव आसामनि
जारिमिन बयनिखुइबो गेदेर
बिथांखि अरुनदय 3.0 नि
सिडाव आसामनि गिबि मन्थि
ड॰ हिमन्त बिश्व शर्माआ दिने
राइज्योनि 38 लाखनिबो बांसिन
मुलाम्फायारिफोरिसिम थोंजों
(□ 6 बिलाइआव)



फैगौ 9 अक्टबरआव गोदान बिटिसि सरकारनि गिबि खेब आइन आफाद जथुम खुंगोन

कक्राझार, 7 अक्टबर: गाहाइ
मावफुं सोद्रोमा हाग्रामा
महिलारीनि दैदेन्नाय गोदान
बिटिसि सरकारनि गिबि आइन
आफाद जथुमखौ फैगौ 9
अक्टबरखालि खुनाय जागोन।
थांनाय 22 सेप्टेम्बरआव
खुं जानाय बिटिसि
बिसायख थियाव मोन 28
मासि देरहानावै बिपिएफ
राजखान्थि दोलोआ फिन
बिटिसि खुंथानि गोहोआव
फैफिन्नाय हिसाबै थांनाय 5
अक्टबरखालि बिपिएफनि
आफादगिरि हाग्रामा महिलारीआ
गाहाइ मावफुं सोद्रोमा आरो
रिहन दैमारीआ लेडाइ गाहाइ



मावफुं सोद्रोमा महैरै समायखिरा
लादों। गोदान बिटिसि सरकारनि
गिबि खेब आइन आफाद जथुम
सालियाव फुंबिलि 10:00
रिंगानिफ्राय खुं जागोन।
बिटिसि आइन आफाद मख'नाय जायोदि, आसामनि
(□ 6 बिलाइआव)

भवानिपुरआव अरुनदय 3.0खौ एमएलए फनिधर तालुकदारआ बेखेवबाय

भवानिपुर, 7 अक्टबर:
“आसामनि गिबि मन्थि ड॰
हिमन्त बिश्व शर्मानि दैदेन्नाय
सरकारआ आसामआव सुबुं
अन्सायारि बिथांखि
जागायजेन्नाय आरो
मावफुंनायखौ सिमना गैथै महैरै
लाखिलांबाय थादों। बेफोरखौ
रावबो सानखानो हायाखैमोन।
दिनैनि सानआबो आसामनि
थाखाय मोनसे सुबुं
अन्सायनायनि जर'खा सान
होन्ना बुंजायो। मानोना दिनैनि
सानआव हारि-धोराम
सायख'याजासे लाख-लाख
आइजोफोरा अरुनदय 3.0 नि



धोनखौ मोन्नो हाबाय। बेखौ
लानावै आसाम नाडैनो मोनसे
सुबुं जांखिथाइ बायदि थासादि
सोमजिदों। आसामनि निखावरि
आइजो एबा नख'राखिखौ
मिनिस्लु होनो हादों। भवानिपुर
बिधान सभा बियाब एबा
भवानिपुर जौगाखां दख'रा

ओन्सोलनि आइजोफोराबो
अरुनदय 3.0 बिथांखिनि
धोनखौ मोन्नो हादों। गिबि
मन्थि ड॰ हिमन्त बिश्व शर्मानि
खामानि मावनाय रेंगोथिखौ
नुनानै दिने जेडो बयबो बुंनो
गोनां जादोंदि, ड॰ हिमन्त बिश्व
(□ 6 बिलाइआव)

कक्राझारआव आदि कर्मयगी अभियाननि सिडाव जिल्ला प्रसेस लेब हाबाफारि खुंजादों

कक्राझार, 7 अक्टबर: कक्राझार जिल्ला बिसायख थि
मावखुलिनि मेल जथुमसालियाव दिने आदि कर्मयगी अभियाननि
सिडाव सानथामनि हाबाफारिजों जिल्ला थाखोआव प्रसेस लेब
हाबाफारिया जागायजेनबाय। हाबाफारिनि समआव जिल्ला मास्टर
फोरेंगिरि (डिएमटि)आ ब्लक मास्टर सोलेंथाइ लाग्रामफोरनो
बायदि फोरेंथाइ होयो। हाबाफारि बायदियै सेथि सानखालि केन्डेल
फोजोंनायजों हाबाफारिया जागायजेनो, जेराव बाहागो लागिरिफोरा
सोरगिदि जिरायनानै केन्डेलखौ फोजोडो। बेनि उनाव मुन्न-
रैखाथि गोनां जायगा/आंगन हाबाफारिफोरा दोलोआरि खौसेथि,
फोथायथि आरो गोरोबलायनायनि (□ 6 बिलाइआव)

अरुनदय 3.0 नि गेजेरजों 38 लाख आइजोफोरनि मोखाडव मिनिस्लुनाय लाबोदों: अशक सिंघाल

ढेकियाजुलि, 7 अक्टबर:
आसाम सरकारनि जागायनाय
अरुनदय 3.0 बिथांखिखौ दिने
राइज्योनि गिबि मन्थि ड॰
हिमन्त बिश्व शर्माआ बेखेवनानै
होबाय। गुवाहाटी कानापारनि
भेटेनारि बिज्ञान फरायसालिमानि
गेलेग्रा फोथाव मोनसे मेहेर
गोनां हाबाफारिनि गेजेरजों
(□ 6 बिलाइआव)



नबेल प्राइज 2025: फिजिक्सआव आमेरिकानि सा 3 गोनोखोगिरिफोरनो नबेल प्राइज

डिजिटल डेक्स, गोदान दिल्ली, 7 अक्टबर: बोसोर 2025 नि
थाखाय नबेल बान्थाखौ दिने फोसावनाय जाबाय। फाहामथाइ
खोन्दोआव नबेल बान्था फोसावनायनि उनाव दिने मंगलबार
खालि नबेल बान्था आफादआ फिजिक्सनि थाखाय नबेल बान्थाखौ
गेवलाडै फोसावो। बोसोर 2025 नि थाखाय फिजिक्सआव नबेल
बान्थानि थाखाय सा 3 गोनोखोगिरिफोर फारिये- जन क्लार्क,
मिसेल एस डेभरेट आरो जन एम (□ 6 बिलाइआव)

तिनिसुकियानि गोदानै लुजानाय सार्किट हाउसखौ गिबि मन्थि ड॰ हिमन्त बिश्व शर्माआ बेखेवना होबाय



दिसपुर, 7 अक्टबर:
आसामनि गिबि मन्थि ड॰
हिमन्त बिश्व शर्माआ दिने
तिनिसुकिया जिल्लानि
गेलापुखुरीआव गोदानै लुजानाय
सार्किट हाउसखौ गोथारै
बेखेवना होबाय। सार्किट
हाउसखौ बेखेवनायनि उनाव
गिबि मन्थि ड॰ शर्माआ खौरां
(□ 6 बिलाइआव)

माहारियारि देहा मिशननि बान्जायनायाव काजलगाव आरो बिजनीआव मेगा देहा मेला खुनो साखा-फारा

काजलगाव, 7 अक्टबर:
माहारियारि देहा मिशननि
बान्जायनायाव चिरां जिल्लानि
सिदली आरो बिजनी बिधान
सभा बिथायाव काजलगाव
आरो बिजनीआव मेगा देहा
मेलानि हाबाफारि खुनो थाखाय
थांखि आजावना लादों।
मंगलबारखालि सदर
काजलगावआव जिल्ला
बेंगिरिनि मावखुलि मेल
जथुमसालियाव मोनसे
खौरांगिरि मेलनि गेजेरजों
जिल्ला बेंगिरि जुतिन बराआ



बेबायदि बाश्राखौ फोरमायना
होदों। खौरांगिरि मेलआव
जिल्ला बेंगिरिया गासै 50
रोखोमनि गुबुन-गुबुन बेरामआव
सन्देरजानाय 18 बोसोरनि

सिडाव थानाय 5 रोजा हौवासा-
हिन्जावसाफोरनो रेंगोथि गोनां
देहा फाहामगिरिनि गेजेरजों देहा
आन्जाद नायनानै देहा सिबिथाइ
(□ 6 बिलाइआव)

अरां माहारियारिपार्क आरो टाइगरप्रजेक्टखौ मैयानिफ्राय दावबायारिफोरनि थाखाय बेखेवबाय

उदालगुरि, 7 अक्टबर:
दावबायारिफोरनि थाखाय
बेखेवनाय जाबाय अरां
माहारियारिपार्क आरो टाइगर
प्रजेक्टखौ। 2025-26
बोसोरनि थाखाय बे अरां
माहारियारिपार्क आरो टाइगर
प्रजेक्टखौ बेखेवनायनि सिगांनो
हाबग्रा लागोनाखौ समायना महैरै
साजायफबनाय जादों। गासै
280 बर्ग किल'मिटर बे
पार्कआव दासान्दि लखानि
अन्जिमाया मा 26 आरो गान्दानि
अन्जिमाया मा 125 दडहोन्नानै



पार्क नि बिफानारिआ
फोरमायदों। मिबथिनो मोन्नाय
बायदिल्ला पार्क बेखेवनायनि
उनावनो अरांनि समायना
मिथिगायारि नुथाइखौ नायनो
(□ 6 बिलाइआव)

दिमाकुसि बामुनजुलियाव एसएसबिनि 37 नं बेटेलियननि बान्जायनायाव बेरे मोदै फिसिनाय आरो मैखुन आबादनि फोरेंथाइ मिरु बेखेवदों

उदालगुरि, 7 अक्टबर: खामानि गैथै लाइमोनफोरनि गेजेरव गावनो
गाव गसंथानो हानायनि थांखियै सशस्त्र सीमा बल एबा एसएसबिनि
मंगलदैयाव थानाय 37 नं बेटेलियनआ रेंगोसा फोजोंखानायनि
मोनसे हाबाफारि जागायदों। बेनि बाहागो महैरै एसएसबिनि 37 नं
बेटेलियनआ गावसोरनि मोन 7 बिअपिखौ सरजाबनानै खामानि
गैथै लाइमोनफोरनो बायदि रोखोमनि गोनांथि जानाय फोरेंथाइ
होनायजों रेंगोथि गोनां खालामनानै गावनि आर्थिआव गसंथानो
हानायनि लामा बेखेवनानै होनाय (□ 6 बिलाइआव)



SINCE 1982

DAS[®] JEWELLERS

J.D. Road Kokrajhar

LUCKY GOLD COIN DHAMAKA

बे दुर्गा फुजा आरो दनतेरासनि समाव 3 ग्राम आरो बेनि बांसिन सना बायोब्ला, सा 15 बायगिरिफोरा 1 ग्राम सना देहानायनि मोनसे खाबु मोन्नो हागोन।

25 सेप्टेम्बर, 2025 निफ्राय जागायनानै 20 अक्टबर, 2025 सिम नोंथांनि केस मेम 'खौ लानानै नोंथांनि Lucky Draw Coupon खौ लांफे आरो सना देहानायनि मोनसे मोजां खाबुखौ ला।

This Durga Puja and Dhanteras, on Purchase of Gold Ornament of 3gms and above, 15 Purchasers gets a chance to win 1 gm Gold Coin Each.

Starting From 25th September, 2025 to 20th October, 2025. Collect your Lucky Draw Coupon along with your cash memo and stand a chance to win gold.

Ph: 03661-355618, Cell No.: 8876631728

सुजुगिरिनि खोलोम

औवानि गोनांथि आरो बर' हरिमु

बर'याव फंसे राव दड- उन्दैयाव सि गानो, देरोब्ला लंथं जाये- । औवा । बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव । बेखायनो बुंनोबो हागौ बर'फोरनाव औवानि हरिमुवा एग्रे- बेग्रे । बाथौ थानसालि दुमनायनिफ्राय लानानै ओंखि जानाय मेवाइ, न'बां लुनाय जेरावबो औवा नडब्लानो राहा गैया, औवा गैयाब्लानो बर'नि राइजो जानांगौया आस'खान्दा ।

ना सानो सेन, खखा, थर्खा, सेन्द्राय, जेखाइ, खबाइ, बोरसि दान्दा; मैहुरनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सांगं, दानाय-लुनायनि सोरखि, दाडनाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिडि जेरावबो जैरौबो औवानि गोनांथि दं बर'नि राइजो जानायाव । बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो ।

गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडब्लानो बर'नि हरिमुया आबुं महर नुजाया ।

औवानि बेफोर गुन आरो गोनांथिखौ नाइनानै आथिकालाव औवानि आबाद खालामनो जोथोन लानांसिगौ । औवानि बेसेन बारायग्लाबनो लानायाव बारिनि औवा सुबाखौ दानग्लुनानै लांदां खालामनो लानायाव जौनि ओन्सोलनि गामिफ्रा औवा बारिजों ग्रोम ग्रोममोनब्लाबो आंखाल नुजाहांबाय । बेखायनो औवानि गोनांथिया बर' हरिमुयाव गोनांथार नोजरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय । दासान्दि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदों औवानि गोनांथिखौ नायनानै ।

बेराफासै इयुन जोलैनो बर'नि औवा हरिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजें-आइला हेबनाय-दान्नायनि ट्रेइनि सेन्टार गायसन्नायनि गोनांथि दंसे ।

दिनैनि फान्जामुधि

राशि बाइदियै मुंनि गिबि हांखो

मेघ : अल

बुष : ऊब (उ ए इ)

मिथुन : क छ (ड घ)

कर्कट : ड ह

सिंह : म ट

कन्या : प ट (ण ष)

तुला : त र

वृश्चिक : ब न

धनु : ध भ (ढ़ फ)

मकर : ख ज

कुम्भ : ग श (स)

मीन : द च (ख ज झ)

मेघ:

गोसोआव माखौबा लानानै गिखांनाय मोन्नो हागौ । गोसोखौ लोरबां लानो नाड ।

बृष:

माबाफोर मुवा-बेसाद ख'हा जानो हागौ । गोसोखौ शान्ति गैयै मोनगोन ।

मिथुन:

गोसोआव मानिबाफोर दुखु मोनखांनो हागौ । गोसोखौ हमथा ।

कर्कट:

मानिबा जाहोननि थाखाय जिंगा सिनांनो हागौ । गोसोखौ लोरबां खालामनो नाड ।

सिंह:

दिनैनि सानआव गोबां रां खरसा जानो हागौ । आखायाव थानाय रड जोबस्रांगोन ।

कन्या:

जायखिजाया शुभ खामानि मावनानै लानो हागोन । सान्नायफोरा जाफुंगोन । मोजां सम ।

तुला:

बे राशिनि थाखाय अशुभ सान । मोजां खामानियाव आगान सुरनो नाड ।

वृश्चिक:

मानिबा थाखाय दुखु-दाहा सैनांनो हागौ । गोसोखौ हमथाना थानाया गाहाम ।

धनु:

बेराम आजार गोनां सुबुड संग्राडै थानांगोन । डक्टरनि बोसोन बायदि सोलिनांगोन ।

मकर:

जैरौबो रंजा-बाजा खालामनो हागोन । गोजोनै सम बारहोनो हागोन ।

कन्या:

फालांगि मावग्रानि थाखाय गाहाम सान । मुलाम्फा आरजिनो हागोन ।

मीन:

हरखाबै माबाफोर मुवा-बेसाद मोन्नो हागोन । गोसोखौ गोजोन मोनगोन ।

गाजाआव ट्राम्पनि गोजोन थांखिआ बेसेबां जाफुंगोन!

इजिप्टआव इजराइल आरो हमासनि गेजेराव सावरायदों

गोदान दिल्ली, 7 अक्टबर: हमास आरो इजराइलनि गेजेराव सोलिबाय थानाय दावहाया जागायजेन्नाय नै बोसोर बारलांबाय । आथिखालाव बोसोरनै उनाव इजराइल आरो हमासआ गाजायाव दावहाखौ फोजोबनो थाखाय खेंसालियायै सावरायनायखौ जागायदों । गुबैयै इजिप्टनि शर्म अल-शेखनि गोजा लैथेनि रिजर्टआव जानाय बे सावरायनायाव आमेरिकाआ गेजेरनि जानानै हाबा मावदों । बे सावरायनायनि गुबै थांखिया जादों गिबि खोन्दोनि आबुं फोरमायथिखौ थि खालामनाय । गिबि खोन्दोनि आबुं फोरमायथिया दावहा दोनथ 'नाय, जाय हमासजों हमजानाय गासैखौबो जोबथेसालिनिफ्राय उदां खालामनो गनायथि होगोन । इजराइल आरो हमासनि गेजेराव दावहा जागायनाया दिनै 2 बोसोर आबुं जाफैबाय । नै

इउक्रेनआ रासियानि गुलि-बारुद फेक्टरि आरो हाथियार डिप'आव गाग्लोबदों

कीयेभ, 7 अक्टबर: इउक्रेन आर्मिआ गोलाव जात्थायनि डून बाहायनानै मोनसे गाहाइ गुलि-बारुद फेक्टरि, मोनसे हाथियार डिप' आरो रासियानि मोनसे गाहाइ थाव टार्मिनेलखौ गाग्लोबदों होन्ना दाबि खालामदों । नाथाय रासियाआ बे गाग्लोबनायखौ फेलें खालामदों होन्नानै फोरमायदों आरो जेबो खहा जायाखै होन्नानै फोरमायदों । बे गाग्लोबनाया जेब्ला थाम खावसे बोसोरनिफ्रायनो सोलिबोनाय दावहाखौ फोजोबनो थाखाय राजथान्दैयारि नाजानाया थाथ 'नानै थानाय समनि गेजेरावनो जादों । इउक्रेननि जेनेरेल स्टाफआ बुंदोंदि, बिसोरो मैया हरआव सोनाब रासियानि निजनी नवगरड ओन्सोलाव थानाय स्वेर्दलभ गुलि-बारुद कारखानायाव गाग्लोबदों । जायनि जाहोनाव गोबां बमा बेरदों आरो अर जोंखादों । बे कारखानाया रासियानि रौनियाफोरनो गुलि-बारुद, एन्टि एयारक्रेफ्ट आरो एन्टि टैंक हाथियारफोरखौ जगायना होयो । इउक्रेननि डूनफोरा क्रिमियानि मोनसे थाव टार्मिनेलआवबो गाग्लोबदों, जायनि जाहोनाव अर जोंखाडो । रासियानि 18 थि कम्बाइन्ड आर्मस आर्मिनि गुलि-बारुद डिप'खौबो गाग्लोबनाय जादों । रासियानि बिबानगिरिफोरा हादरनि मोन 14 ओन्सोलफोरजों लोगोसे क्रिमियाआवबो इउक्रेननि डून गाग्लोबनायखौ रोखा खालामदों । नाथाय बिथांमोनहा बेखौबो दाबि खालामदोंदि, रासियानि अखां रैखाथि खान्थिया 251 इउक्रेननि डूनफोरखौ गावख्लायदों । बेखौ रासियानि ओन्सोलफोराव इउक्रेननि बयनिखुइबो देरसिन गाग्लोबनायफोरनि गेजेराव मोनसे होन्नानै फोरमायनाय जादों । निजनी नवगरडनि गभर्नर ग्लीब निकितिनआ बुंदोंदि, अखांमा रैखाथि सान्थिआ गुलि-बारुदनि कारखानाजों लोगोसे जायगानि दारिमिनारि ओन्सोलाव मोन 20 इउक्रेननि डून गाग्लोबनायखौ फेलें खालामदों । बे गाग्लोबनायाव बेयाव थानाय फेक्टरिफोरखौ जेबो खहा खालामाखै ।

सुंद'सल'

कामेश्वर बसुमतारी

आंनि अनजाली बिसि मायनावस्री आरो फिसा हिन्जाव बालेंखौ हाफाव माहाजोननि न'आव नुफैनानै सालखुन्थायाव रोदा नाइगिरनानै मोननाय बायदि मोन्दों आडो । सोमोनांदोंमोन । मायनावस्रीयाबो आंखौ नुनानै । फोथायनोबो गोब्राब जादों । मानोना आंनि महर मोखाड सिगांनि जैरै-एरै नॅलियामोनहा मायनावस्री आरो बालेंनि दाहायावनो दै गाड ओंखाम ख'हाबा जालांदोंमोन आंहा ।

: मायनाव नों बेयावसो ?

अब्लासो आंखौ बालें बिफामार होननानै रोखा जादों मायनावस्रीया । मायनावस्रीखौ अन्नाय राबयै “मायनाव” होन्नानै आंनि अनगायै रावबो गाबन्निरफोरमोन, दिनैसिमबो रावबो खोमा । गुगुरूब खुलुमो मायनावस्रीया आंखौ । बनि थरथिथामसो खुसिनि मोदै आंनि आयर्थिआव फैदोमोन ।

: बालें आइ नै नोमफा फैदों । बिमानि रावआव खाथियाव

बोसोर सिगां हमासनि दैदेन्नाय उदखारिफोरा । खोला इजराइलआव गाग्लोबदोंमोन । बिसोरो 1,200 सुबुंफोरखौ जिउ फोजोबदोंमोन, जायनि गेजेराव बांसिनानो सरासनसा सुबुंफोरमोन । लोगोसे बिसोर सा 251 सुबुंफोरखौ लांखारदोंमोन । बेनि उनाव

गोदान दिल्ली, 7 अक्टबर: पाकिस्ताननि बलुचिस्तान प्रभिन्सआव मंगलबारखालि जाफर एक्सप्रेस ट्रेनखौ फिन खेबसेबाव बेरफ्रुनायनि जाहोनाव गोबां सुबुंफोरा जोखोम जादों । क्वेटा फारसे थांनाय रेल गारिखौ सुल्तान कट ओन्सोलनि सिन्ध-बलुचिस्तान सिमनानि साखाथिआव मोनसे हरखाब बेरफ्रुग्रा डिभाइस (आइइडि) बाहायनानै गाग्लोबदों । जायनि जाहोनाव रेलगारिनि मोन 6 डाब्बाफोरा रेल लामानिफ्राय गोग्लैदों । बे बोसोरनि मार्च दाननिफ्राय जाफर एक्सप्रेसआव जानाय बेयो गोदानसिन गाग्लोबनाय । बलुच रिपाब्लिकान गार्डसआ बे गाग्लोबनायनि दायखौ लादों । बिथांमोनहा दाबि खालामदोंदि, पाकिस्ताननि रौनिया हान्जानि सोद्रोमाफोरा रेलगारिआव थांगासिनो दंमोन । बमा बेरफ्रुनायनि जाहोनाव गोबां सान्थिफोरा जिउ गोमायो आरो जोखोम जायो आरो रेल गारिनि मोन 6 डाब्बाफोरा पटरीनिफ्राय बोख्लायजायो । नाथाय दासिम रावनिबो थैनायनि जेबो अफिसियेल फोरमान मोन्नाय जायाखै ।

बलुच रिपाब्लिकान गार्डसआ बुंदोंदि, बे बादि गाग्लोबनाया जेब्लासिम बलुचिस्तानआ उदांस्त्रि मोना अब्लासिम सोलिबाय थागोन । रैखाथि हान्जाफोरा । जाथायथिथलियाव सौहैनानै रैखाथि होनाय हाबाफारिआव मुखुब जादों । सशेल मिडिया

अब्जायनि दौले

गसंफैनानै मिल्जौ मिल्जौ दद्रे द्रे नायहरदोंमोन बालेंआ आंखौ । गमथा था गोमजोर नुदों आडो हाफाव माहाजोनखौ । सानदोंमोन आं बिब्दिनो रायज्लायबाड खोमा बियो । नाथाय माहाजोनादि गावनि स्वायाव जिउ जिउ रागा जादों बेखौ मायनावस्रीया हमनो हादोंमोन खोमा ।

आंखौ निमाहा होदो आइ, आं नोंखौ थगायनाय जाबाय । बालें बिफाखौ बे संसारनिफ्राइ आनब्रायलांबाय होननानै आंल' नड बालें बिबै आरो गोबां मानसिफ्रानो सानोमोन ।-हाफाव माहाजोनखौ खुलुमनानै निमाहा बियो मायनावस्रीया । बिमायं सोमोन्दो लानायखौ खोनास्ताबाखैमोन आं । गोसोखौ सहायनो हाया मोन्दोंमोन आडो । आखायाव लाबायथानाय मोदामफ्रु बारसे बिबारा हरखाब हांगार फियर जानाय बायदि मोन्दोंमोन आडो । सोन्दोंमोन आं हाफाव माहाजोना मायनावस्रीखौ बिहारी लाफैदों । बालेंआ बिबौ गाबन्निरनायावसो दानखोमसि हरनि (5 बिलाइआव)

भाइरेल जानाय भिडिआव जोखोम जानाय सुबुंफोरखौ नुनो मोन्दों, जेराव गाग्लोबनायनि गोखोंथिखौ नुनो मोन्नाय जायो । जाफर एक्सप्रेसआ क्वेटानिफ्राय पेशावरसिम खारो । बे

बोसोराव बेखौ गोबां खेब नोजोर होनाय जादों । बयनिखुइबो गिखंथावसिन गाग्लोबनाया मार्च दानाव जादोंमोन, जेब्ला बलन ओन्सोलाव रेल गारिखौ हाइजेक खालामनाय

जादोंमोन, जेराव सा 21 दावबायारि आरो साब्रै रैखाथि हान्जानि सोद्रोमाफोरा जिउ खोमादोंमोन । बेनि फिन्नाय महरै सान्थिफोरा सा 33 उ त ख ा रि फो र खौ गावथारदोंमोन ।

मणिपुरआव फरायसालि आरो फरायसालिमाफोरनिफ्राय रां जाख्ल'नाय दायआव सानै सुबुंखौ ग्रेप्टार खालामदों

इम्फल, 7 अक्टबर: मिरुयारि रैखाथि हान्जा आरो मणिपुर पुलिसआ इम्फल हायेन

जिल्लायाव उतरखारि बेरेखा अपारेशननि समाव थांनाय 24 घन्टयाव मोनसे होबथाजानाय आफादजों लोब्बा थानाय सानै सुबुंफोरखौ ग्रेप्टर खालामदों । सप्ताहनि समबारखालि फोसावनाय पुलिस रिपर्टनि बायदिब्ला, ग्रेप्टर खालामनाय सुबुंफोरनि सायाव दाय जाबसिन्नाय जायोदि, बिसोरो लाइमोनफोरखौ गावसिनि दोलोआव बाहागो लाहोनाय, स्कुलफोर, कलेजफोर आरो गला बिगोमाफोरनिफ्राय जर-जुलुमै रां बोखंनाय, रैखाथि मावसुमाफोरनि हाबाफारिफोर आरो बाहागो लानायखौ नोजोर लाखिनाय आरो हायेननि जिल्लाफोराव गावसिनि पार्टीजों शेयार खालामनायाव लोब्बा दंफायोमोन । रैखाथि

हान्जाफोरा होबथाजानाय पिपुल्स लिबरेशन आर्मि (पिएलए), जाय होबथा जानाय रिभल्युशनारि पिपुल्स फ्रन्ट (आरपिएफ) नि सासे गाव फोसावजानाय लेफ्टिनेन्टखौ बिष्णुपुर थाना ओन्सोलनि सिडाव थानाय निंथौखं वार्ड नाम्बरा 2 निफ्राय ग्रेप्टर खालामदों । खांगेम्बम मांग्लेम्बा सिंह, जायखौ सनि (46) बो बुडो, बियो बिष्णुपुर जिल्लानि थागिबि सुबुंमोन । अपारेशननि नैथि खोन्दोआव जुथाइ हान्जाया गुबुन सासे आरपिएफ/पिएलए मावसुमा खुमुकचम बिरेन मेइतेइखौ ग्रेप्टर खालामदों, जायखौ धिरेन (40) मुंजोंबो मिबथिनो मोनो । जाय कुम्बि टेराखं मखा लेइकेइउ वार्ड नाम्बरा 8, ए/पि केइरेनफाबि मेनिक लेकेइ वार्ड नाम्बरा 7 नि थागिबि सुबुं ।

जुबिन गार्गनि जिउ गोमोनाय केसखौ सिंगापुर पुलिसआ सामलायगोनः हिमन्त बिश्व शर्मा



गुवाहाटी, 7 अक्टुबर : शर्माआ बुजायोदि, हरिमायारि आइनआ दरसे हादतनि पुलिस हान्जाफोरखौ गुबुन हादतनि ओन्सोलाव नायबजिरनायखौ होबथायो। बिथाडा बुडो सिंगापुरनि बिबानगिरिफोरा सिगांनिफ्रायनो के सखौ सामलायगासिनो दं आरो भारतीय बिजिरसंगिरिफोरजों लोगोसे सोमोन्दो लाखिनानै

फोस्मान मोन्नायफोरखौ शेयार खालामगोन। शर्माआ बुडो, जोंनि हादतनि पुलिसआ सिंगापुरआव थानांगौनि गोनांथि गैया। जों मावख'यारि महरै सिंगापुर पुलिसखौ खावलायहरखादों जे जायखि जाया फोस्मान मोनोब्ला बुथुम आरो बेखौ खौरां हर। हरिमायारि आइनआ जायखि जाया हादतनि पुलिसखौ गुबुन हादतआव नायबजिरनो गनायथि होया। बिथाड बेखौबो खोथा होदोंदि, भारत आरो सिंगापुरआ सिगांनिफ्रायनो थि रजथान्दैयारि आरो आइनारि प्रेमवार्कनि गेजेरजों सोमोन्दोआव दं। गिबि मन्थ्रिया सुबुंफोरखौ शान्तिथै थाथ'नो खावलायो आरो नायबजिरनायखौ आवगाय लांहोनो थाखायबो खावलायो।

लादाखआव सान्थ्रिआ दावहानि गोदान मावखान्थि खालामदों, इन दावहारुफोरा सुथुरजों जुजिनो साखा-फारा जादों

जम्मु, 7 अक्टुबर: मिरु सरकारजों सामलायजानाय लादाखआव भारतीय सान्थ्रिनि इन दावहारुफोरा इयुननि जेंनाफोरजों मोगा-मोगि जुजिनो थाखाय साखा-फारा जादों। इन अपारेसनआव आखा-फाखा, बिसोर दावहारुफोरा इयुननि दावहाफोराव सुथुरनि फावफान्दायनायखौ फेलें खालामगोन। इन दावहारुनि दिन्थिफुं नायजों सान्थ्रिआ लादाखआव मोनसे रोखा खौरां दैथाय हरदोंदि, गोजौ हाजो ओन्सोलफोराव नोजोर होनाय, टही, रसद जगायनाय आरो गिखंथाव गाग्लोबनो हानाय इन बिरहोनायाव आखा-फाखा रौनियाफोरा सुथुरनि हेंथायै गोखों जागोन। अपारेसन सिन्दुरनि समाव पाकिस्ताननि



इनजों गाग्लोबनायखौ फेलें खालामनायनि उनाव सान्थ्रिआ इयुननि दाड-बाजनि थाखाय जम्मु-काश्मीर आरो लादाखआव इन आरो एन्टी इन एकसारसाइजखौ गोखों खालामदों। बे बिथिडव लेहनि

एडभान्स ओन्सोलाव सान्थ्रिनि नर्डनि कामान्डनि फायर एन्ड प्युरि कर्पसनि इन वारियर बादायलायनायाव कर कामान्डार लेफ्टेनेन्ट जेनेरेल हितेस भल्लाआ बाहागो लादों, जाय बिथामोन्हा इननि बाहायथिनि

गेजेरजों रौनिया हान्जानि अपारेसन थियारिखौ गोखें खालामनो थाखाय केम्पेइनखौ नायफामदों।

दासान्दि आर्मि इडनिटफोरा इन बाहायनानै गावनि रौनियाफोरखौ गोदान मुगानि दावहायाव आखा-फाखा खालामनायनि लामायव दं। लादाख बायदि गोजौ हिमालय ओन्सोलफोराव इन सालायनायनि आदोबआ आरोबाव गोहोमगोनां। बे थासारियाव, बाहागो लागिरिफोरा गोब्राब ओन्सोल आरो गोब्राब बारहावायारि थासारिफोराव निगरानी, टही, रसद जगायनाय आरो आदोब गोनां मिसनफोरनि थाखाय रुजुजायै इन अपारेसनफोरखौ दिन्थिफुंदों। कर कामान्डारआ हाबाफारिआव बाहागो लानाय सान्थ्रिफोरनि साहस, गोब्राब हाबा मावनो हानाय गोहो आरो सोलोखौ बाख्नायदों।

देखोगिरि जुबिन गार्ग जिउ गोमानाय जाथायनि सन्देहआ गोथौसिन जादों, सा 7 सुबंफोरनो समन दैथायहरदों

गोदान दिल्ली, 7 अक्टुबर: मुंदाखा देखोगिरि जुबिन गार्ग थैनायनि सायाव नायबजिरनाया सोलिगासिनो दं। बे जाथायनि सायाव नायबजिरबाय थानाय सिआइडिआ सिंगापुरआव थानाय

सा 8 भारतयारिफोरनो समन होदोंमोन। नाथाय सासेल' सुबुड बे समननि फिन्नाय होनानै दिने गुवाहाटीआव थानाय सिआइडिनि सिगाडव नुजाथिदों। आधिखालाव बिनि सायाव जुबिन थैनायनि सायाव सोंथि खालामनाय जागोन।



कलिताया गुबैयै आसामनि थागिबि। बे जाथायनि सायाव नायबजिरगा बिबानगिरिफोरा सिंगापुरआव थानाय सा 8 गुबुन हादरयारि सुबुंफोरखौ 6 अक्टुबरनि गेजेराव भारतयारि हाइ कमिसननि गेजेरजों रिपर्ट होनो बिथोन होदों। बे गासै सा 8 गुबुन हादरनिफ्राय फैन्याय सुबुंफोरनो समन होनाय जादों। बिसोरनि गेजेराव सासेल' सुबुड समन होनायनि फिन्नाय होदों। गुबुन सा 7 सुबुंफोरनिफ्राय जेबो फिन्नाय मोनैनि उनाव सन्देहआ

गोथौसिन जादों। मख'नो गोनांदि, 52 बोसोर बैसोनि मेथाय रोजाबगिरि जुबिन गार्गआ थानाय दानआव सिंगापुरआव गंसे याटआव मोनसे पार्टिनि समाव लैथोआव सानस्त्रिनाय समाव जिउ गोमादोंमोन, जेराव बिथांखौ दैयाव मोखां गोजावनानै थैनाय नुनो मोन्दों। सुलुंनि बादिब्ला, बिथाडा सिंगापुरआव 20 सेप्टेम्बरनिफ्राय जागायनाय सानथामनि सा-सान्जा भारत फोर्बोआव बाहागो लानो थाखाय बैयाव थादोंमोन।

CORRIGENDUM

Extension of Time for Submission of Proposals for Setting up of RDTCS and DTCs against the Invitation of Proposal dated 18.06.2025

The last date for submission of proposals for setting up of 3 (Three) Regional Driving Training Centres (RDTCS) and 16 (Sixteen) Driving Training Centres (DTCs) as per the revised scheme guideline for setting up of Regional Driving Training Centres (RDTCS), Driving Training Centres (DTCs) etc. to be implemented during the 15th Finance Commission Cycle (2021-22 to 2025-26) in States/UT issued by Ministry of Road Transport and Highways (MoRTH) in different districts of Assam, as specified in the “Invitation of Proposal”, copies of which are available at the website of the office of the undersigned (link: <https://comtransport.assam.gov.in/latest/invitation-for-submission-of-proposal-for-setting-up-of-rdtcs-dtcs>), has been extended till 24th November 2025 w.e.f. 4-10-2025.

All other terms, conditions, and requirements of the original Invitation for Proposal remain unchanged. For any clarifications, please contact the District Transport Officer of the concerned district or the office of the undersigned.

Sd/-
Commissioner of Transport
Assam, Guwahati-22

DIPR/C/BSA/196/8-Oct-25

OFFICE OF THE CHAIRMAN, STATE LEVEL POLICE RECRUITMENT BOARD, ASSAM
REHABARI, GUWAHATI

No. SLPRB/REC/SI (UB)/646/2023/181

NOTICE

The final Results of the below mentioned Recruitments will be uploaded on 10/10/2025 at 11:30 A.M on the website of SLPRB (www.slpbassam.in) and concerned Departments.

A. (i) **144** posts of Sub Inspector (UB) in Assam Police, (ii) **7** posts of Sub Inspector of Police (Communication) in APRO, (iii) **51** posts of Sub Inspector (AB) for Assam Commando Battalions & (iv) **1** post of Assistant Deputy Controller, Civil Defence (Jr.) under DGCD & CGHG, Assam.

B. (i) **164** posts of Constable (AB) for Assam Commando Battalions.

C. (i) Cook-**26**, Barber - **12**, Water Carrier - **3**, Dhobi- **11** & Cobbler-**2** in Assam Police, Cook-**7**, Water Carrier- **24**, Dhobi-**13**, Barber-**2**, Electrician-**2**, Plumber- **1**, Mason-**1** & Tailor-**3** for Assam Commando Battalions, and Cook-**44**, Water Carrier- **12**, Dhobi- **23**, Barber-**10** & Cobbler-**15** under DGCD & CGHG, Assam. (ii) **30** posts of Safai Karmachari in Assam Police, **2** posts of Safai Karmachari in Assam Commando Battalions, **2** posts of Safai Karmachari under Prison Department & **3** posts of Sweeper under Directorate of Forensic Science. (iii) **10** posts of Cook (SDRF) under Fire & Emergency Services, Assam.

The date of announcement of final results of Constable (AB & UB) and equivalent posts in Assam Police and other departments will be intimated shortly.

Sd/-
Inspector General of Police (A), Assam
&
Member Convenor, SLPRB, Assam
Ulubari, Guwahati

DIPR/D/BSA/197/8-Oct-25

O.O. No.99

Dated Udalguri the 6th October,2025

Tender No. DDU/Dhansiri/01/2025
PRESS NOTICE INVITING TENDER

The Divisional Forest Officer, Dhansiri Division, Udalguri invites bids for (i) 25 Hecter Artificial Regeneration (AR) Plantation (**Erection of Fencing Work**) at Bongurum under Nunoi Range contract value Rs. 35,34,832/- (Rupees thirty five lakh thirty four thousand eight hundred thirty two) of Dhansiri Forest Division, Udalguri for the financial year 2025-26 and (ii) 10 Hecter Artificial Regeneration (AR) Plantation (**Erection of Fencing Work**) under Mazbat Range of Dhansiri Forest Division, Udalguri for the financial year 2025-26 contract value of Rs. 29,38,816/- (Rupees twenty nine lakh thirty eight hundred sixteen) only from the eligible contractors of class-I & II category above of PWD/WR, Assam and BTC, Kokrajhar to be executed under this Dhansiri Division, Udalguri.

The details may be seen at the <http://assamtenders.gov.in> and also in the Office of the undersigned during Office hours.

Sd/-
Divisional Forest Officer
Dhansiri Forest Division, Udalguri

IPR(BTC)/C/2025-26/2952

इजराइल आरो हामासआ दावहा फोजोबनो थाखाय गाजायाव सावराय लायनायखौ जागायबाय

गोदान दिल्ली, 7 अक्टुबर : हामासआ दावहा फोजोबनो थाखाय गाजायाव सावरायनायखौ जागायबाय। अदेबानि, मिस्रनि लाल सागरआव थानाय रिसर्ट शर्म



GOVT. OF ASSAM
OFFICE THE SENIOR SUPERINTENDENT OF POLICE :: UDALGURI
:: DISTRICT :: UDALGURI

The above is photograph of Miss Durgeswari Sobor (10 Yrs), D/O- Suresh Sobor, Vill-Dimakuchi TE, “New Line, PS-Dimakuchi, Dist- Udalguri who has been missing since 10/08/ 2025 from her house.

In this regard a case has been registered at Dimakuchi PS vide Case No. 55/25 U/S U/S 137(2) BNS.

Descriptive Roll of the Missing girl:

1. Complexion	- Swarthy
2. Age	- 10 Yrs
3. Height	- 4 Feet Approx
4. L/known	- Assamese, Hindi.
5. Wearing	- Frock

All efforts may be made to trace out/recover the above noted missing girl at the earliest and result thereof may be intimated to this office at the following helpline numbers for further necessary action: 6026901138(Cell phone).

Sd/-
Senior Superintendent of Police,
Udalguri, Assam

DIPR/D/BSA/195/8-Oct-25

अल-शेखआव बे सावरायलायनाया आमेरिकानि गेजेरस्थिया जागासिनो दं। बे सावरायनायनि गाहाइ थांखिया गिबि खोन्दोनि फोस्मायथिखौ थि खालामबाय। गिबि खोन्दोनि सावरायनायाव दावहा दोन्थ'नाया दंफायो, जायजों हामासनि आद्रा थानाय गासिबो बन्दिफोरखौ हगारना होनो हायो। इजराइल आरो हामासनि गेजेरनि दावहाया दिने 2 बोसोर आबुं जासिगोन। बिसोरो सा 1200 सुबुंफोरखौ लांखादोंमोन। बेनि उनाव इजराइलआ हामासखौ फोजोबसांनो थाखाय बिथांखि लायो। आमेरिकानि हादतगिरि डनाल्ड ट्रम्पआ इजराइल आरो हामासनि गेजेराव दावहा सोलिनायखौ फोजोबनो थाखाय गोजोन बिथांखिनि फारसे सावरायदों। ट्रम्पनि बे गोजोन बिथांखिया हरिमायारि हेफाजाब मोन्दों। बे थांखिया बोसोरनैनिफ्राय सोलिनाय गिखंथाव दावहाखौ जोबनायनि मिजिं होदों। बबेखानि जायगानि मिश्र मिडियाआ मिबिथि होयोदि, विटकफ आरो ट्रम्पनि बिजामादै जेरेड कुशनरआ मिश्रआव सफैबाय आरो बिसोरखौ सावरायलायनायाव बाहागो लाफागोननि आसा दं।

चीन आरो सा करियानि गेजेराव सोमोन्दोआ गोख्रोंसिन जादों



गोदान दिल्ली, 7 अक्टुबर: चीन आरो सा करियानि गेजेराव सोमोन्दोआ गोख्रोंसिन जानायखौ नुनो मोन्दों। मख'नो गोनांदि, बे समाव सा करियानि तानाशाह किम जं उनआ चीन फासैं रावना होलांदों। चीननि गाहाइ मन्थ्रि लि केकियांआबो सा करिया दावबायनो साखा-फारा जादों। 2019 माइथायनि उनाव गिबि खेबनि थाखाय बेबादि गोजौ मासिनि चीननि दैदेनगिरिआ सा करियायाव दावबायगोन। चीननि फरेइन मिनिस्ट्रीआ ली केकियांनि दावबायनायखौ फोसावनानै बुंदोंदि, चीननि गाहाइ मन्थ्रिया गुबुन बिबानगिरिफोरजों लोगोसे बृहस्पतिबारनिफ्राय शनिबारसिम सा करियाआव दावबायगोन। बे समाव चीननि गाहाइ मन्थ्रिआ सा करियानि खुंथायाव थानाय दोलोनि 80 थि बोसोरसालिया फोरबोआव बाहागो लागोन। चीनआ गोलाव समनिफ्रायनो सा करियानि दरसे गोख्रों मददगिरि जानानै दड। बे समावनो सा करियाआबो रासियाजों गावनि सोमोन्दोखौ साबसिन खालामदों। इउक्रेन दावहायाव रासियाखौ मदद होनो थाखाय किम जं उनआ सा करियानिफ्राय गोबां अन्जिमानि सान्थ्रिफोरखौ दैथाय हरदों। बे बेलायाव खुंथाय गोहोआव थानाय दोलोनि 80 थि बोसोरसालिया फालिथायनि समाव रासियाआ बारग' हादरगिरि दिमित्री मेदवेदेभखौ सा करियासिम दैथायहरनो हागो।

चीननि गुबुन हादरयारि मन्थ्रि मावख'आ बुंदोंदि, चीन आरो सा करियाआ न'सुंसे हादरल' नड, गोदो-गोदायनिफ्रायनो गोख्रों लोगोबो। बेयो चीन सरकारनि मोनसे गोख्रों मावखान्थियायारि खान्थि॥ गुबैयै, चीननि खुंथायाव थानाय कमिउनिस्ट पार्टीआ सा करियाजों सोमोन्दोखौ गोख्रों खालामनायाव मदद होयो। ली कियानि दावबायनाया जोबोद गोनांथार जागोन होन्ना सान्नाय जादों। बेनि सिगां 2019 आव चीननि हादरगिरि शी जिनपिंआ सा करियाआव दावबायदोंमोन। चीन आरो रासियानि अनगायैबो, भियेतनामनि दैदेनगिरिआबो सा करिया दावबायगोन। 2007 माइथायनि उनाव भियेतनामनि दैदेनगिरिआ सा करियाआव बेनो गिबि दावबायनाय जागोन।

4

बिलाड़

कक्राझार, बुधवार ८ अक्टबर, २०२५

जों लाइ बर’ हारि जिउनि दिङा

दंमोन जोंहा राजथावनि
नाथाइ ! समनि फाखनाव
फानदायसुला फोथाय खेबसफोरनि फान्दायनायाव
जानांबाय दिनै आनि-थानि।
नेरसोन दं,
दिन्थि दं, दिनैबो
बै दिमापुर, काछार, मायबां, खासपुर, हरितिकर
सोरबा बुङे जोंखौ गुबुनार ?
सोरबा बुङे जोंखौ नागालेण्डनि ?
जों आसामनि थागिबि हारि
हा-फिसा जों बर'सा
दं जोंहा इसोरा होनाय.....
राव, थुनलाय, हारिमु
धोरोम, आसार खान्थि ?
बेसेदि गोजोनथाव जोंनि रावा
संबिजिराव थिसन जाबाय
मान होजाबाय गोजौ महराव।
सोर बुंदों जोंखौ जारिमिनारि
मोन्थाइ गैया होन्ना ?
मिथि गौना नों बर’ हारिनि सोमोन्दै
जानो हागौ नों मिथिया बर’ हारिनि
जारिमिनखौ ?

बिद्युत चाहारी

भकटपारा, जामुगुरि

रजे नों आंनि

रजे नोंखौ नुनानैनो आंनि गोसोआ बोदोर जाबाय,
नोंखौ दसे नुवाब्लानो आंनि गोसोआ
उसाव बादाव जाखाङे।
खेबसे नुनायावनो आं नोंखौ
गोसो गोरबोजों मोजां मोनबाय।
आदा आं नोंखौ जेब्लाबो
आंनि खाथियाव थाबाय
थाजानो लुबैयो।
नोंनि अनगा आंहा सिगाडव
रावबो जिउनि असे लोगो गैयामोन,
रजे आं नोंखौनो जेब्लाबो
जिउनि मोदाय खालामनानै लानो हास्तायो।

थरायना पुजा बड'सा

बिजनी कलेज। थाखो – एइस.एस. सेथि बोसोर

ला:सो: – दैमालु नोगोर (बिजनी) जिला – चिरां

जोंनि आंगो गामि

फैलाव हायेन हाजोनि सेरफां
ग्रोम ग्रोम थुरिनि न’।
फैलाव फोथार अरननि सेर
सोमखोर आबादथिलि।
दुगैग्रा गाथोन जिरि दैसानि रुगु
लाइमोन गोबोंनि बेंख'नथिलि।
बेसे हायना सोमखोर मिथिंगा
बेनो जोंनि आंगो गामि।

मुस्त्रि दैथुन गयारी

गामि – गोदान बरगाव। ला:सो: बेतबारी

जिला – बागसा

गुमुर गैयै भ्रमण

एस आइ आर बसुमतारि

मासे फिसा इनजर इंगिनि
गुदुं नागारनानै हाग्रा-बंफ्रा
हा सिङवनि हानजा दैदेननानै
दाब-दाब गिर्दि-गिर्दि
बेयाव दसे, बैयाव आयदासे
एखनब्ला खिफिदेरनाय, एखनब्ला एरफुनाय
बुहुमखौ बागदाव खांहोदों।
राजखान्थिनि फंनैसो मन्थ्रजों
साधु बैरागिनि गिरुया जि जोख्लोबनानै
गोदानै दाफिननाय जीउ राहाया दान्दिसे
बुहुमाव फेरलेबसे रंजानाय लाबोदों।
नाथाय सियाला गोथां महर लाब्लाबो
बियो सियालानोग्खा;
दावखाया दावराइनि गां
थुदेरब्लाबो गुबै दावखायानो खा।
बैरागीनि गाब गाब्लाबो
आखुथाया इनजर इंगिनिनि;
बिनि देंखोफोराबो
गलिनो रोङै गोरा अन्थायनि बिदै।
दा बै इनजर इंगिनिया
भ्रमणनि थाखाय थांबाय
स'नानि सिंहासनखौ नागारनानै
गावखौ गुबै सन्यासी दिन्थिनो
नाथाय बबे दिकनि भ्रमण
रावबो गुमुर मोनाखै।

आंनि खर'सायाव थ णाय हरै मारुआव,
थाङे आं गोजोन लानो जिउनि मेंरोम बेलारोम बुब्लियाव,
हिमालयनि बै गोजोन सुडेम रंजाथिलिआव;
मेंनाय जिउनि डिङाखौ गोजोनग्लाइ होनो-
थोर-थोर बोथोर जिउ डिङाखौ खाफ्रानो।
हिमालय हाजोनि हरै मारुआव गिख्रंथाव महरै,
दङ नेनानै आंनि लरहाइनाय जिउ डिङाखौ
लोगो हमनो बरफनि आइलि जाइलि गुथाला।
हुम हुम बारनि गुताला सोगोमदों हास्रिखाव हास्रिखाव,
हिमालय हाजोनि बै गोजोन सुदेम रंजाथिलियाव;
आंनि मेंरोम जिउ डिङाखौ लांफानो लोगोआव।
अन्थाइ बिखा-बार आरो बरफ बेफोरखौ नोंसोर मानो ? ? ?
आंनि रुंग'लांहां जिउ डिङानि खोमसि बुब्लिआव!
हनै हिमालयनि गोजौ हाजो थिखिनिया,
गोग्लैनोसै आंनि जिउ डिङ लारोमसालिआव;
बरफ आरो बारनि गोरा गोरा गुथालनि दोहौजों।
हिमालयनि गोरा गोरा लहानि खुथियाव,
गुबुबाय रंखिनि बरफ आरो बारनि हिंसायाव,
हिमालय सानि गोजोन स'नानि जिराइसालिया;
गैइला बिसोरनि दुथां आखुनि थाखाय मुलुग संसाराव।
आगोमा आंनि मेंरोम जिउ डिङनि जोबथा बुब्लिआ
थाबाय बेसेबा गेदेर हिमालय हाजोनि सिङव जिउ सोलेर।

मुस्त्रि लक्ष्मन नार्जारी

सुबाइझार गोजौ फराइसालि

ला:सो: – नेहरु बाजार। जिल्ला – चिरां

महकुमा – बिजनी

सिनायै अनजालि

हाय अनजालि! जाखो नों बबेनि ?
मिथियाखिसै आं नोंनि थं
थेवबो नोंनि फंसे रायदावलांनाय
रावआ आंखौ सिमब्रेलाङे।
नोंनि समायना गलाब राणी महरा
आंखौ खालामबाय हालाय-हाफाय,
नोंनि हायनारि गावदां महरा
गेलेफैबाय खनले-खनले गोर्बों दरखंआव।
आनदाय होबाय नों आंखौ
बारसेल’ गलाब बिबारनि बागानाव,
नोंनि समायना महरनि हायना सारफावनायाव।
खारफा नांबाय नोंजों उन-उन
थेवबो मोनाखिसै आं नोंनि थं,
गोर्बोंआवल’ गालांबाय नोंनि
समायना गलाब राणी महरा।

मुस्त्रि सन्तस रामचियारी

गामि – खारुवा (बिलपार)

ला:सो: – खारुवा, ७८१३४६

जिला – बागसा

गोसो थोनाय

आय’ हाबाब गोसो थोनाय।
मा एसेबां गोदै मा एसेबां मुजिथाव
मा जिराद बेलाइ ?
बेनो नामा गोसो थोनाया ?
बेनो नामा मायानि जेआ ?
सोर अबंलावरिया जोनोम होया ?
बे अन्नाय मोजां मोन्नाइ आरो गोसो थोनायखौ
सानथारा खैमोन्दि आं –
गोसो थोनाया बेबाइदि
सानसे रजेखौ नुयाब्ला।
सानसे रजेखौ लोगो हमनो मोनाब्ला
सानसे रजेजों मोजां गात्रि
बाश्रा राइज्लाथनो मोनाब्ला।
गोर्बों –गोसोआ गोजोन गैथारा।
आरोबाव गोजोन गैबावया
रजेखौ नुनानै आरो रजेजों राइज्लाइनानै ,
लुबैलिया थानानै थानो रजे गैयाब्ला ।
नांबावगौ बेनिफ्राइ.....बाइदि बाइदि.
गुबुनजों दाजार्थों मोजां मोन्नाया आंनि
रावनोबो दा बिलाइ हरथों आंनि रजेखौ ,
अबंलावरिनाव आर’ज गाबो आं ।
अबंलावरिनाव बोर बियो आं ।
मोजां मोन्नाइया आंनि फेलें थांङ जाहाते
बे जोनोमाव नों रजेखौनो आं मोनथारर्थों
नों र’ जेखौनो मोनथारर्थों
आय’ हाबाब गोसो थोनाय।

थमास बसुमतारि , जनता कलेज सेरफांगुरि

टि, डि, सि,सेथि बोसोर , गामि- कसुगाँव

रंजालि गथ’फोरनि सौरा

रोदोमसुलि

सोरखौबा थिनानै दोनदों आं गोरबोआव
बे बुब्लियाव, जिउनि लामा दथायाव,
आंनि जिउनि लामायाव
सानश्र’ हायि हाख ’र,सानश्र’ हायि दाहा
बेनो मोनसे गोलाव माया जे।
सौसि लांनायाव नोंनिनो मिर्जि फेरलेबसे
नोंनि आंनि संसारनि बान्दो
दैदेनलांनो आंनि गोरबोनिनो बिथोन।
दानखोमसि बोथोराव अखाफोर
रानस्त्राव बोथोराव रोदोमसुलि।
अनाखाना थांलाय फैलाय
बारनि रावजों आंखौ रायदावो नों,
हमनो हादों नोंबो आंखौनो
गोरबोनि सिङव.. नङ होमबा ?
नों जेब्लायबो गुस्लायसुलि
नोंनो बयनिबो अनसुलि अनफाउरि
नोंनो रोदोमसुलि ।।

जोंसार ब्रह्म, उदालगुरि

रुमिखौ हास्थायो आं

सोर नुदों सोर खोनादों आंनि
दुखु दाहाखौ,
दावस्रि दावसायासो साखि दं,
नोंखौ सान्नानै हार्सि हाला बिबार
बारि-बारि बेरायला बायनायखौ नुनानै
जरा- जरा बिदै सोबनो फैनाय सिखिरि
सुबुंफोरा आंखौ मिनिलांबाय।
नोंखौ आं गोसो गोथारजों मोजां मोनो
नाथाय नोंनिफ्राय अन्नाय मोन्नो लुबैयो आं,
मानोनों गोसो हगार सारना होआ नों,
नोंनि बेबायदि गोदै रावजों रायज्लायनाय
फोरखौ लानानै जायो आं उसाव- बादाव,
सोगीनि अलंबार बायदि बेफोरखौ
बावगार लांनांगौबा,
आंनि गोसोआ हिमालय हाजो बायनाय बायदि
बायनानै खाम्फा लुहैनो हायैबायदि
आंनि मेगननिफ्राय निजोरा
बोहैगोन अनजालि।
रुमिनों गुबुननि थाखाय हांगार
फिथर ब्लाबो आंनि थाखाय स’ना फिथर।
गावखौ बिबार बारि-बारि
बेरायनायखौ नुनायखाय,
आंनि गोसोआ गनायगोन सान्ना
आंबो बिबार बारियाव बेरायग्लां बायो,
नाथाय गावखौ नुवाबा गोसोआ गनाया,
मोना बिलि समाव थाङे आं
नोंनि लांगोनायाव आंखौ नेना थगोन सान्ना।
नोंनि मिनिनायखौ नुयोबोला गोसोआ
आंनि अखा मोफ्लामनाय बायदि मोनो।
रुमिखौ हास्थायो आं अरायबो,
लायजाम हरदोंमोन आं फिन्नाय मोनफिनासै,
नाथाय.....बिबा सोरखौ हास्थायदों ?

गपाल रामचियारी

जिल्ला: बाकसा (बि.टि.सि.)

सैया-सैया खालामो अनजालुआ आंखौ

नै अनजालु नों आंखौ
गोजाननिफ्राय नुब्लानो,
मानो एरा-एरा खालाम लाङे ?
मानिबा गोरोन्थि बुंफ्लांदों नामा आंलाय ?
ना माबाफोर दाय मावफ्लांदों नामा ?
दिनै नों आंखो गारनानै,
गुबुनखौ लानो सान्दों नामा ?
बिदिब्ला नों मानो आगोलाव
आंखौ मोजां मोनामोन ?
दाना मानो सैया-सैया खालामखो ?
सानदोंमोन नामा नों आंखौ सान्नैसोनि,
थाखायल’ मोजां मोनफ्लानो,
आंखौ फाग्लिसो खालामनो सान्दोंमोन नामा
नोंलाय अनजालु ?
आं नोंखो थैनानै थांब्लाबो नोंनि,
महरखौ बावनो हानाय नङ।
आंनि थायनै मेगनाव नोंनि,
महरा जेब्लाबो साया-माया गेले फैबाय थागोन अनजालु।
दाखालामसै नों आंखौ सैया-सैया।

मुश्रीमा सबानि नार्जारी

भिलेज- नर्थ कचुगाँव

दिस्त- कक्राझार।

मानसि

“लाय होयोब्ला फाफ्लियाव बारखोयो
आदर खालामब्ला बुरखायदों सानो
गाहाम बोसोन होयोब्ला उल्टा मोखां जायो
गाहाम मावना होयोब्ला सिमान लाया
फोथायोब्ला खहा खालामो
सुखुनि बाश्रायाव मेगन सायो
दुखुनि बाश्रायाव खाबु नाइगिरो
मोजां मोनोब्ला दावदाब दोनो
गावनि जाफुंसारबोला जानगार लाङे
मानसिनि जेसेबां मोनो एसेबां नांगौ
दोहोन दौलतनि खांखुवा जाबाय
गिदिरा उन्दैखौ गादबना जायो
बोलोगोराआ बोलोगैयैखौ सेरथेयो’’
बे बादि आखुथायनि जानाया गाहाम ने ?

मंकर लाल बर’

तितागुरी

सिमांनि अनजालि

बेसेबा गोबाव जाबाय नोंखौ नुयैया
बेसेबा गोबाव जाबाय नोंनि महरखौ नुयैया
जाखां फैयो नोङे सिमाङवल’ मानो ?
सिमाङव नुयो आं नोंखौ गोदै गोदै
रावजों राइज्लायनाय।
सिमाङव नोंनि फाव फेसनखौ नुयोब्ला
आंनि गोसोआ बोदोर जायो सिमांनि अनजालि,
नों मानो सिमाङवल’ नुजायो अनजालि
आंनि सिगाडव मानो नुजानो हाया।
जों सानैजोंदि सिमाङव बिबार बागानाव
गोदै गोदै राव राइलायोमोन,
नों मानो नोंनि गोसोखौ सुखुया सुखुया खालामो
अनजालि।
सिमांनि अनजालि, नोंनि रावआनो आंनि बेरे मोदै,
नोंनि मोजां मोनायानो आंनि मोजां मोन्नाय
नोंनि गोसोआनो आंनि गोसो,
सिमांनि अनजालि, सिमांनि राणि
सिमांनि दाउ मैना।

मुस्त्रि रिखां ब्रह्म

गामि- थुरिबारी, ला:सो:- कमलसिं

जिला- कक्राझार बि टि सि

नों रजेखौ

गोमोथाव नोंनि महरा रजे--
जेबोला नोंखौ नुयो जेराव-मेराव
जेबोला नों थाबाय लाङे दाव दिंखुर बायदि
जेबोला नोंनि राव खोनायो दाव मैनानि गारां
अबोला आंखौनो आं बावगोमा फ्लाङे।
आंखौनो आं बावगोमा फ्लाङे !
मोन्नाय मोनब्ला नोंनि अन्नाय,
आजावनाय मोनब्ला आंनि अन्नाय।
हाबाब मादि माया गोनां नोंनि महरा ?
बे नोंनि समायना सोलेर महरानो
आंनि बोदेर गोसो सोलेराव
सिखिरि जानानै बिरफाबाय थायोनों रजे--
आंनि जिउ सोलेरनि सेर-सेर।
आंनि बोदोर जावलिया गोसोआ
नोंखौल’ मोन्नो हास्थायसै रजे
मा राहाजों मोनगोन इसिबां गोमोथाव
महर गोनां नों रजेखौ॥

मुश्री सोर खुंगुरबर’

ला:सो: चन्द्रपारा, कक्राझार।

दाहा

बुजिस’ हायाखैमोन आं
नोंनि मेगननि फाव
खोनासं हायाखैमोन आं
नोंनि गोसोनि राव;
नोंदि होदोंमोन आंनो लाइजाम
मोजां मोन्नायनि खोथाबो।
बिहरदोंमोन नों आंनिसिम,
जिउनि जोबथा समाय।
गोसोआव हांखुरसे दावदाबखौ लानानै
थाहैगोन आं नोंखौ नेनानै
रजे आं हरै मारुआव
जिउनि बै गोजोन फुरीयाव।

मुस्त्रि रिन्दाव बसुमतारी

गामि १२नं भुमका बिसमुरि

जिला- कक्राझार बि टि सि (आसाम)।

‘सुंद’सल’

अनिल कुमार त्रस्य

फोरमायै सिमां

अखानायसि–नायसि तफेना मोनसे आरजाथारै सिमां नुदोंमोन।

खोमसि हर गेजेराव बियो बबेबा मोनसे गुदु हाग्रा गेजेरजों थांफेरदोंमोन। ओजों ह’जों फेसा गाबनाय, सियाल ह’ब्रानाया खोमसि हरखौ गिथावसिन खालामदों। थेवबो बियो आवगायलांदों। लामा स’सेयाव मोनसे दन्दर लामाजों एरसो लांदों गोथौनिफ्राय गोथौसिनाव।एसेयावनो मोनसे सोदोबनि रिंखानाया बिखौ बाग्दाव होयो।बियो गोर्जांम्रिउ मोनो। थाद’ब्ला सोरबा हिन्जावनि दुखु गोनां गाबनाया रिसारो, “नोंसोर आंखौ निमाहा हो। दाया आंनि नङ, मानोना आं इसोरनि फिसा नङ। नोंसोर

इसोरनि फिसा। आंखौ रैखा खालाम।” बे गुदु हाग्रायाव खोमसि ह’र गेजेराव सोर जाखो हिन्जावआ, सोर गाबखो ? गाबनाय जायगाथिं नायस’है ब्ला बिनि मेगन नोजोराव गोग्लैनायसै सासे हिन्जाव दिन्दां फासि नांनाय! एसेयावनो बियो सिरि मोनदों। नुफेरा नुफेरा मैया मैया सिमां! गुदि गैया, खिथा गैया मा इसोरनि फिसा, इसोरनि फिसा: सोर मानसिनि फिसा, सोर इसोरनि फिसा? खैदांफोरसो जाबायगोन नामा? दा बेलासियाव खिन्था नांगौ जाबायसिमांनि बाश्राखौ बिथां जयन्थनो। मा सानगोन बि? हो, हो मिनिगोन ? नाथाय जयन्थखौ ज’खोब्लासो तफेननि

गोसोआव अनजालिनि सावगारिया जाखोंफेयो।दासान्दि सानैखो लानानै बायदिसिना ‘सल’ ओंखारदों जे जायगायाव। जयन्थ आरो अनजालि; अनजालि आरो जयन्थ। जुलि जाबायबायोब्ला समायथारगोनबो सानैजों। गंसे गोजौ फरायसालिनि फोरोंगिरि जयन्थ। मानसिया जायगानि नङ। सहराव न’ बाह्म लानानै हार्सिडै थायो। बेवहा बोसोरनै जाफ्रामबाय। गावनि न’आ सहरनिफ्राय गोजानाव नङ।बि, ए, फेयेल जानाय बेखार सेंग्रा तफेना सहरावनो हलि–गलि खालामबाय थाग्रालाय थाबनो जयन्थजों सिनायज्लायदों। बाडाय समनि गेजेरावनो

सोमोन्दो गोनां खालामदों। गुलि–गुलि । गाव साउसुब खुगा गेबेंखायनो बियो हौवा हिनजाव, बोराय–बुरै बयजोंबो गोमोन जानो हायो। बेखायनो संसाराव जानाय जाथायफोरनि बनि खोमा फारनैआव थोंजोंनो हाबफेयो। आर अनजालिया गामिसेंनि खुरमा जानाय; सोमोन्दोआव गावनि बिनानाव जानाय।देग्लाय जि थाखोआव फरायो। बिखौनो टिउसन लादोंमोन जयन्थआ साखान्थियाव। गावनो रायज्लायना थिक खालामदों। नायनो मोजां जयन्थआ एसे गोमोथाव आखुनि।गोमजोर।खोथा खम बुडे।जि, बुडे थार बुडे; खोथा फंसेनि मानसि जयन्थआ बिनि

रायनाय, फाव–फेसन, हिर’ एबा एक्टर बादि होन्ना फरायसाफ्रा बुडे। हिन्जावआ सोर जाथावगौ अंख’खालामना नायो। फिनखोयाव मोनो थाखोसेयाव फरायजाबनाय अनजालि। जाहोना, बिखौजे जयन्थआ हार्सिडै टिउसन लायो।

फ र ा य सु णि ल य ा बेबायदि सावरायनायाव आगानसे बाराबाव। बिसोर बुडे, “अरनि खाथियाव घिआ आवलिखागोन। अनजालिनि घि खै–सानाय ? टिउसन लानानै फरायनायाव लोगो फ्रेपेयाड जाना थाब्ला जानाय नङा; लोगोसे लाइफ के रियारआबो मसबुत जाफानांगोन। बि, एस, सि (अनार्स)। हे न्डसाम। दा मास्तार मालाय मा जानो? फिउसारथ’ दं। खाफाल हाय खाफाल! अनजालिनि घि खाफाल।बेबादि सेंग्रा मोनोब्ला दा बादियाव फरायनायखौ ब्राब गारनानै खारसन हैसिगौ आं।” स्ताबआवबो गरन्थ’ हाब्बायमोन। दिनै टिउसन दं होनब्लाबो साफा–सानै सेंग्रा फोरोंगिरिफ्रा। मिनिफुं होगारनायखौ तपेनहा नोजेर दं। नाला मोनाब्ला खौराङ एँनो बिरफुङ। अनजालिया गावनो बुंनानै लादों।

बेलासियाव। “मा नोंथां मास्तार बाबु, मा खबर?” “मास्तार मानसिहा मा खबर थाबावनोथो! बेनोसै, जानाय–लौनाय आर थांलाय–कैलाय।”

“मानो ? बे लाभ लसनि बाश्रायालाय! माथो नोंथांनि साश्रनि बिमा–बिफाया नोंथांखो खोब अनसो गारो।” “अनोथ, अनो। नाथाय जायनिफ्राय मोन्नांगौ, बिनिक्राय अन्नाय मोनाब्ला अनजानायनि बेसेना बहा?”

“आरे बावदा! फि, इउ, सि आनजादआव उश्रिनानै जयन्थआ ककराझारआव अनार्स गैयैनि सिलङाव फरायहैदों फेजिक्सआव अनार्स लानानै। मार्टिनाया पेल खालामदों। बे बुब्लियानो जयन्थनि थाखाय गात्रि आरो दुखुगोनांमोन।

मार्टिनाखौ बियो लाइजामजॅल लोगो हमनांबाय थादों। मार्टिनाया फिनखोआव सम सम सदबांसानि बाश्रााखौनो रायखोंहरबाय थायोमोन।नाथाय एसेयावनो बि, एस, सि, नि जोबथा आनजाद सोलिफुबाय थानाय समावनो खोनाबाय– “मार्टिनाया हाबा जाबाय सासे डाक्टरजों।”

“दोन दोन नोंथांनि खोथाया। सोर साबेसे बर’ हिन्जावफ्रा। डाक्टर–इनजिनियार–अफिसार फिसाय मोनदों। आर जयन्थ, अनजालिया दहाय आंनाव फैदोंमोन गावनो मोनसे टप सेक्रेट फोरमायदों।”

“मा फोरमाया?” “जयन्थ, नोंथाङ फोथाय;बेफोर फोलानाय बाश्रा नङ। गाव बुंथिनो हायैलाय बियो आंखौ हमदों। नुजेन्नायावनो गोसो थोदों होन्दों नोंथांखौ। अनजालिया लुबैयो नोंथांनि गोसो, बिखा–बिख्नो। नोंथांहा हामलायनाय दंफा?”

जयन्थआ सिरि थादों। बायजोथिं गोजानार लाथिख’आव नायख्लेंहरदों बेसेबा गोबाव। उनाव खुगा बेखेवदों, “नोंथाङा आंनि आगोनि लोगो जाबाय जेब्ला, नोंथांनि सिगाङाव बाश्रााखौ दोनखोमानाया गाहाम जानाय

नङ। अनजालिया गोसो थोनानै गोरोन्थि खालामबाय।बबेखानि गोसो थोनायानो गोरोन्थि।लाभ एस मेयार फली।”

बेनिफ्राय जयन्थआ फोरमायलांदों गोबोंनि खोथा, जिउ जारिमिन: जयन्थनि मथे, गोसोथोनाया मोनसे बेराम। सोखानो हायै बेराम। सोरनिबा फार्लें गोसो हगारसारोब्ला बे गोसोखौ लाबो फिन्नायानो जोबोर गोब्राब।गोसो मोन्नायनि सिमां जखा सुयै आरियै गोसो हगाराब्ला बे जेथो गोनां मुगायाव खैदांनि बेहेरावसो गन्नायनो हागौ। ...बेहे रावनो गन्नायदोंमोन जयन्थआ गावबो।

मेट्रिक पास जानानै गावनि जिल्लानि सदर ककराझारआव फराय हैदोंमोन जयन्थआ। कलेजआव फरायबाय थानाय समावनो मार्टिना मुंनि सासे खूप्‍टान धोरोमारि सिख्ला लोगो मोनदोंमोन बियो। एरै नो सिख्ला समाव मोजां नुखायो हिनजावफोरखौ। मार्टिनाया साबद्रायबав। गोबां सेंग्रांनि सिमांमोन मार्टिनाया। नाथाय सासे हिनजावआ साफ्रोम हौवानिनो सिमांखौ मोकथां खालामनो हाया। बियो मेगन खेबदों जयन्थखौ। जयन्थजों बियो अन्नानै नामसि नामसि खालामो। हिनजावफोरनि खाथियाव फैफेरै जयन्थआ दह मैनो मार्टि नांनि फार्लें लेमलांदोंमोन।बेबादिनो मोजां मोनज्लायदोंमोन। जयन्थआ गाव मार्टिनानि खर’आव दांनानै बिखौ फोथायहोदोंमोन, “मार्टिना, नों

नङाब्ला जिउआव आंहा रावजोंबो हाबा जानाय नङ।”

नाथाय, समायखौ लाब्लानोथ’जया! फोरमान होनांगोन। बेनि बोसोरनै उनावनो जयन्थनि अर आनजाद? फि, इउ, सि आनजादआव उश्रिनानै जयन्थआ ककराझारआव अनार्स गैयैनि सिलङाव फरायहैदों फेजिक्सआव अनार्स लानानै। मार्टिनाया पेल खालामदों। बे बुब्लियानो जयन्थनि थाखाय गात्रि आरो दुखुगोनांमोन। मार्टिनाखौ बियो लाइजामजॅल लोगो हमनांबाय थादों। मार्टिनाया फिनखोआव सम सम सदबांसानि बाश्रााखौनो रायखोंहरबाय थायोमोन।नाथाय एसेयावनो बि, एस, सि, नि जोबथा आनजाद सोलिफुबाय थानाय समावनो खोनाबाय– “मार्टिनाया हाबा जाबाय सासे डाक्टरजों।”

मात्रै जाखो?बाश्राया नंगौना नङा सुलाद लानानै मार्टिना मोन्नाव थोंजों फैदोंमोन जयन्थआ। नुफै दोंमोन, मार्टिनानि हाबानि गालांनाय सायराब नेर्सीनफोर। बनि गोसोआ बायफ्लेदोंमोन; हज्रि हज्रि बुंनो लुबैदोंमोन, –“मार्टिना नों मा खालामखो?”

नाथाय, मार्टिनानि दायखौ बिमायानो बानस’नानै लादोंमोन। बुंदों, “मा खालामनो जयन्थ। मार्टिनाया गावहानो गोसो गैयामोन। नाथाय बियो आंनि फिसा। फिसानि गोसो सुखु गोजोन्नि थाखाय सान्नांगौ बाश्रायाबो आंहाबो दङ। खोनासंनो गाज्रिब्लाबो बुंनांगो जायो। नोंसोर हिन्दुफ्रा जेरै जों खूप्‍टानफोरनो मोसो बेदर जाग्रा

होन्नानै मुगैयो।बिदिनो जोंहाबो हेंथा दङ समाजआव फिसा। हिनजावफोरखौ हिन्दुनि नख’राव बिलायनाय जाया। बिब्दि खालामब्ला हिन्दु खूप्‍टान समाजखौनो सोलिनाय जागोन।“अ, खोथाया बेवसो नांदों! जेखि जाया, –आं मार्टिनाखौ खेबसे लोगो हमसानो मोनब्ला हामजागौमोन–; मार्टिनाखौ आं नायप्पानो लुबैदोंमोन।” “नोंनि गोसो। नोंनि लुबैनायखौ आं मात्रै हेंथा होनो? नाथाय नों नुजा हैमारोब्ला फिसानि जिउआ देबोर नांनोबो हागौ।।”

मार्टिनानि जिउखौ देबोर फान्नो सानाखिसै जयन्थआ। गावनो बिखायाव हाजासे दावदाब लानानै सिलङाव थांफिनदोंमोन।आद्रा थानाय प्रेकटिकेल आन्जादखौ गोसो गोर्बोयै होफुंदोंमोन। थिउरीआ जोबखांबायमोन। आनजादआव बियो उश्रिदोंमोन। बेनि उननि समा फोरोंगिरि महरै दा जेरै नुदों। बे हाबाखौबो नाथाय जिउनि राहा हिसाबै लायाखै। बर’ बिजोंजों फरायनाय बर’ फरायसा फोरनि एसेसो हेफाजाब होनानै हारिनि फार्लें एसे सिबिनाय जागोन। गोसो जाब्ला बियो जायखि जाया समावनो बिबान एंगारनो हागौ। इउ निभार सिटि आवसो फरायहैनो हागौ।नाथाय जायहा जिउआव जेबो हाबिलास गैला, बिहा फरायनानै माथो जाबावनो? बे जादों जयन्थनि बाश्रा! दा अनजालिया जाथायखौ खोनाब्ला माबादि जागोन? सिबाय अनजालि!

नुजेन्नायावनो गोसोथोदों आरो गोसो थोजेन्नायावनो रयसिगोन!

नाथाय अनजालिनि गोसोआ रयाखै। लेथाया गावहानो नांबाय तफेनहा। आखायाव जौनैरां गथायनानै सानसे बुंबाय “आदा, बिनानावनि फार्लें अन्नाय दंब्ला आंबो मार्टि नाखौ बेसिम लिंबोनाय।”

एब्रादोंमोन तफेनआ।

नाथाय अनजालिनि गाबफ्राम

गाबफ्राम जालायनायाव आरो

दहाय लालायनायाव बियो

ओंखारनाङो डाक्टरानि न’

फार्लें।गुबुन सहराव।मार्टिनाखौ

जयन्थनिसिम लेंबोनो तफेनआ

गोब्राब जायखिसै। जयन्थखौ

खेबसे लोगो हमनो गोसो

दंखायोमोन बिहाबो। बिजों

लोगोआव सासे हौवासा गथ’।

गावनि गथ’।

जयन्थनि थाग्रा

न’आवनो सानसेखालि बिसोर

ज’ जुथुमलायनायबादि जायासै।

जयन्थ, मार्टिना, अनजालि आरो

गाव तफेन। बिब्दि जुथुमलायान

जागोन सानफेराखैमोनदं सिबाय

जयन्थआ। सिबाय एसे गोमो

हाबदों। मार्टिनायाबो बाश्रााखौ

जुरिदों, “आंखौ निमाहा होदो

जयन्थ। आंनि गोरोन्थि जाबाय।

नोंखौ आं एसेबां पारपेक–ट्मेन

सानाखैमोन। खाफाल मोजां

आंनिनो बिबादि सेंग्राजों ओंमोजां

मोनजादों। आंनि फिसाय

डाक्टरआबो नोंबादिनो मोजां

मानसि। दालाय माथो जादों

हिन्जावनिथ’ ओंखाल गैया।खथ

आंनिखुइ साबसिनखौनो

मोनगोन। बिलाय अनजालि

बिनानावआनो आंनिखुइ बेसेबा

गुन साबसिन। समायखौ नों

फोरसो हागौ।फेरबानो जाबाय।”

“बेल’ बाश्राया बेखौनो बुंनो फैदों नों।”

“दङ जयन्थ। बाश्राया जोबाखै। थार बाश्राखौ आं दाबो बुङाखै। हयथ’ नों बेफोरखौ नंखायसो सान्नो हागौ। हौवा मानसिथ’! जों हिनजावफोरा संसारनि बाश्राखौ जोबोरैनो सिन्थिहाबो नोंसोर हौवाफ्रा जेरै मुलुकनि बाश्राखौ सिन्थिहाबो। जीसु, कृष्‍ट, हजरत। आं माब्लाबा सानहाबो–जीसुआ ईसोरनि सासेल’ फिसाब्ला, कृष्‍टआ गावनो ईसोरब्ला आरो हजरटआ आल्लानि जोबथा फैगन्बरब्ला, बुंनांगोन हौवाफ्रा ईसोर एबा ईसोरनि फिसा। हिनजावफ्रा मानसिनि फिसा। बेखायनो हिनजावफ्रा लोर्बा। लोर्बा हिनजावफ्रा हौवाफोरनि सायाव जायाब्ला राहा गैया। आंहाबो राहा गैयामोन। आंनि फार्लें खथ’ मानसिनि नोजोर गोग्लैदोंमोन। आं गिखांदोंमोन। थांनाय–फैनाय जेरावबो खैफोद गोनां मोनदोंमोन। आं बुजिदोंमोन, आंखौ संसारनि मानसिफ्रा सिख्ला हिसाबै उदडै थांनो होआ। आंनो नांगौ जादोंमोन सोरबा सासे सेंग्रांनि महर। नोंनि सेराव थाफनानै आं गावखौनो गोगोम मोनदोंमोन। बे समाव आं हाबानि बाश्रााखौ सानथ’याखैमोन। पि, इउ आव खेबनै गादिलन्नायनि उनाव मेगना गेवदों– फरायनायनि अल्टारनेटिभआ हाबा ल’सै। नाथाय सोरजों? जयन्थजों? जयन्थआ मोजां मानसि। आं बासिया।नाथाय हेंथाया: बियो हिन्दु; आं जाबाय खूप्‍टान। समाजनि नेमखौ गनायोब्ला हाबा जानो हाया। बिडिब्ला दाया आंनि? नेमखौ सोर बाहायखो? हारिनि गेजेराव गावप्पानायखौ सोर लाबोखो? आंनि सान्नायबादि समाजआ सोलिनो हादोंदाबि? जेखिजाया, नोंसोर हौवा मानसि,ईसोरनि फिसा नोंसोर। एसेयावनो मानो नार्भास जाखो?”

“हिनजावफोरा जैरै खोथानि रज फुन्नानै फुस्‍लायनो गोर्रों, बेबादिनो थास्‍लिमनोबो गोर्रोंथार। आरो नार्भ! नार्भआ आंनिया बेसेबा सिगाङावनो

(*ह्र* *बिलाइनिफ्राय*)बायखांबाय।”

बुंनानै जयन्थआ फरायसालिनि गाहाय फोरोंगिरि थाग्रार्थिं बं–बं ओंखारलाङे।मानो? उनाव खौरां मोन्दों जयन्थआ साखिखौ एंगारबाय। साखिखौ एंगारनायल’ नङ, सानैसोनि उनाव जयन्थआ जायगााखौनो अरायनि थाखाय नागरलांदों। मार्टिनाया बै दिनखालिनो न’आव थांफिनदों। नाथाय बेफोर एसेबां मानि सान्नांगौ बाश्रा नङमोन। नाथाय बिखा खामथाव–थाव बाश्राया– जयन्थ थांनायनि उनाव अनजालिया फासिनांनानै थैदों। तफेना बाश्रााखौ बुजिनो हाया–हाया जायो। मुलुगखौनो बियो आनज्लेद नुयो। बनि खुगायाव माखासे सोदोबफ्रा ओंखारबाय थायो– “‘गोमोथाव! संसारनि मानसिफ्रा गोमोथाव।संसाराव दं–ईसोरनि फिसा आरो मानसिनि फिसा, सोर मानसिनि फिसा आरो सोर ईसोरनि फिसा?’” सिमाङाव नुनाय जाथायफोरा बेफोरनो नङमोन? जयन्थनो फोरमायनाय जायाखिसै– नाथाय सिमांनि बाश्राफोरखौ।☐

अब्जायनि दौले

(*☐* *2 बिलाइनिफ्राय*) अख्रांआव हाथ’रिखफोरखौ साननो हालायनाय बायदि जाफिनदों आंनि गोसोआ। जोखां–लोखां सौरा न’आव फज’फैदोंमोन आंखौ मायनावस्त्रीया। जंफाव दोंमोन हाफाव माहाजोनाबो आंजों। आंजों मायनावस्त्रीया माबोरै गावप्पानांदोंमोन, बेखो मोन्थिनो लुबैदोंमोनब्लाबो गाबै गाबैनो खिन्थानो हायाखै मोनना मायनावस्त्रीया हाफाव माहाजोननो। दिनैसिमबो सोंफिनफेराखैनो हाफाव माहाजोना मायनावस्त्रीनाव। दिनैसो बियो आंनिफ्राइ मिथिनो लुबैदों।

बे बांग्रियानो साला। बे बांग्रि मावमोनब्ला मायनावस्त्रीया जेरावनो मेरावनो रुवाथि थानाय नङमोन। बे रहेनाबो। साला दायनिगिरिया बेबो सासे। बेनो मायनावस्त्री आरो बालेंगोनखौ आलाय सिलाय खालामदों।–बांग्रि आरो रहेननि सायाव रागाजोंदोंमोन आंहा।

आं थाखो जि आव फरायफुनाय बोसोरावनो मायनावस्त्रीया जोंनि न’नि सिमासे खोलाहानि आदैमोनहानाव रुवाथि थाफैदोंमोन। बनि मावनाय–दांनाय आरो आखल आखुखौ बाखोनायसो गारोमोन आदै–मादैमोनहा। नाथाय आंनि नोजोराव मायनावस्त्रीनि मावनाय–दांनाय आरो आखाल आखुवाल’ नङ, बनि महर सायाव बिथा–बिफा, बिदा–फंबाय, बिब’–बिनानाव गैजायै मावरियासोबाव।उन्दैनिफ्राइनो बखालि रुवाथि थायै थायै देरबोनांदों मायनावस्त्रीया।

सानसेखालि दैफां दैसानि बानायाव ख’माबारी गामिनि न’ बा, मोसौ–मोसा, मानसि–दुनसि गासिबबो बुखारलांजोबजादोंमोन। बे बानाजोंनो मायनावस्त्रीनि बिमा–बिफा आरो नायल’ जाल’ सासेल’ फं बायनि जिउआ गोमानांदों। खाफालआ मोजांमोन मायनावस्त्रीहा, बे समाव गुबुन गामियाव बखालि थाहैदोंमोन।

सानफा एफा मायनावस्त्रीनि फारसे आंनि मोजां मोननाया बारानिफ्राय बारा जालांदोंमोन। अरायबो खाथियाव मोननो लुबैदोंमोन

आं मायनावस्त्रीखौ। रायथिनानै लादोंबोमोन आंनि गोसोनि साननाय होनायफोरखौ मायनावस्त्रीनि सिगाङाव रावजोंबो रायथिजाफेरै मायनावस्त्रीनि सिगाङाव। रावजोंबो रायथिजाफेरै मायनावस्प्रिनि मोदोम थोर थोर मावदोंमोन। बनि पाउदुर आपेलबायदि खावलायनिफ्राय थै सेरमायहां सेरमायहां जादोंमोन।

आंनि रायथिनाय बाश्राखौ सिगाङाव गनायखैमोन मायनावस्त्रीया। रुवाथिजोंनो बरायनानै लाजाबाय होननानै सानजानो गिदोंमोननो मानसिफोरजों। बेखौ हाबा जानायनि उनावसो खिन्थादों आंनो बियो। बुंनायलाय बुमारदोंमोन।

बैसोया जायाखै नङ जाबायमोनबो आंहा नैजि ब्रे नैजिबासोआ। देरग’नानैसो फरायसालियाव हाबदोंमोन आङो। मेट्रिक एबा गोजौ फरायसालिनि जोबथा आनजाद होखांनायनि खावसे डाननि उनावनो आं आरो मायनावस्त्रीनि जुलिया जादोंमोन।

आफा, आदै–मादै मोनहा मायनावस्त्री आरो आंनि जुलियाव एसेबां एम्ब्रन्नाय गैयामोनब्लाबो आइनि जोनोबायदि हां हां खुगाया आंनिखुइ मायनावस्त्रीनि मावनाय दांनाय आरो आखल–आखुखौ आइयाबो मोजां मोना नङ मोनोमोन।नाथाय रुवाथिथारखौ बिहामजो लानानै मानइदजाद थांजानो गिदोंमोन बियो।

जुलिनि दान मोनसे उनावनो गुबुन जाहोदोंमोन आइया जोंखौ। आइ आफा हगारनानै होनाय बिहाथाम हायावनो मैगं थायगॉनि आबाद मावनानै रायजो जादोंमोन जों थोहां थोहांनो।

“जेराव अननाय दङ बेयावनो गोजोननायबो दङ” होननाय बाश्रााखौ लेखारोङे हिन्जावब्लाबो मिथियोमोन जानांगौ मायनावस्त्रीया। जानो हागौ बेखायनो जानो लोंनो थोहां जाब्लाबो जों सानैनि संसारा सोरगोफुरि बायदिमोन। जुलिनि बोसोरनै उनाव दंनायमानि हायाव आलु गायदोंमोन आं। नाथाय आंनि रशिया एदिनखालिनि बोसोराव ख’हामोन खोमा। दानसेनायनि खेब खेब अखा हानायाव आंनि

आलु फुलिया सेवलांजोबदोंमोन। लैथो गेजेराव नाव गोदो जानाय बायदि मोननानै मेघालयआव थांदोंमोन आं खैला जावहेनो मायनावस्त्री आरो ज’स्तिंनो रॅनाय फिसा हिन्जाव बालेंखौ नागारनानै। बैसागुनि सप्ता खुनसे सिगाङाव फैफिननो बाश्रा होलांदोंमोन आं मायनावस्त्रीनो।

नाथाय फैनांगौ दिनाव फैनो हायाखैमोन आङे। आंनि खामाय खनानै दोननाय गुजौ रांखौ बिनानै लाबदोंमोन हिन्जाव लोमजादों होननानै गहपुर गोजोनपुर गामिनि रहेनआ।बेखौ नेनानैनो बैसागुनि दानसे उनावसो फैनो हादोंमोन आं न’आव।

मायनावस्त्री आरो बालेंमोनखौ न’आव नुफैयाव आंनि गोनोआ फाग्ला बायदि उसाव–दाबाव दै गाङ ओंखाम ख’हाबा जादोंमोन। बिसोरखौ अदालगुरिनि दंनायमानि बर’ गामिफोराव नागिर नागिर माब्लादि दान मोननै जालांखौ मिथिस्लाब लायाखैमोन आङे।

दालाय बोरायो बेसिम सौफैखो?–थेरनाय गांरांजों सोदोंमोन मायनावस्त्रीया आंखौ थांखिनानै खोनाहा खोनायाहांनो।

दहाय दानबोनाय मानसियानो बेसिम लाबोदों आंखौ। बान्दोगुरियाव बिब’नि न’आव थांदोंमोननो बियो। दाहोना नांगौ होननायखाय बेजोंनो फैफादों। आं लासैया फिन होदोंमोन आंबो मायनावस्त्रीनि सोंनायाव। दाहोनानि थाखाय मानसि मोनोब्ला लाबोफा होननानै बुंखारहरदोंमोननो। हाफाव माहाजोना बे आंखौ दोनबोना मानसिनि सिगांआव।

फिसा–फिसौ रावबो गैया आंहा। बुरैयाबो थांनाय माग दानावनो सोरगिआरि जालांबाय। आंबो थ’ बारा दिन गैलिया बे मुलुगनिफ्राइ थांसिगोना। आंनि न’आवनो नखर’नि मानसि जानानै अराय सम थानायखौ आं लुबैयो नोंसोरखौ। आं थैब्ला बे आंनि धोन–दौलदखौ बेनो नोंसोर नङब्ला आंहा रावबो गैलिया–

गावनि दुखुनांथाव नखर’नि बाश्रााखो आंनि सिगाङाव फोरमायनानै ओंखारलांदोंमोन सोरा न’निफ्राय हाफाव माहाजोना।

हामा थाफैनो मोनखो मायनावस्त्रीया। सोमोनांदोंमोन, मिथिनोबो लुबैदोंमोन आं मायनावस्त्रीनिफ्राइ।

बांग्रि मावनायाव आंखौ थैबाय होननानै गामिनि मानसिफ्रा। फोसावद्ला गैनायाव आइ–आफायाबो फोथायदोंमोनबो बैसागुनि जिबा दिन सिगां बै बांग्रि मावनायाव साजिनै मानसिफ्रा थैनायालाय थैदों खैला गुदु’निफ्राइ ओंखारब्लाबनो हायैयाव। आंबो जेनो थेनेसो गुदुंनिफ्राइ बार’ननो हादों।

दा न मो न नै ल’ जाफैदोंनो मायनावस्त्रीया हाफाव माहाजोनाव खान्थालगुरियाव रुवाथि थांदोंमोननो मायनावस्त्रीया फिसाजो बालेंखौ लानानै बेयाव फैनायनि सिगां। माहाजोनि फिसाज्लानि उफुद्गुगाब दानसेल’ थानो हादोंनो बियो। गथ’–गथाय, फिसा–फिसौ गैजायै मिंमां बिजयपुर गामिनि हाफाव माहाजोना मायनावस्त्रीखौ आलाय–सिलाय नुनानै लाबोदोंनो हाफाव माहाजोना। बै बाग्रि मावनायखौसो रागाया थिखिनियाव दावखोदोंमोन आंहा। रागा जोंबामलाय मा जानो। बांग्रिखौथ’ रावबो मावहोनो आरो होबथानोबोथ’ हायालायो।

बे रहेनखौथ’ गन्थ–मोखां सोखुनजो

6

बिलाड़

कक्राझार, बुधवार ८ अक्टवर, २०२५

CMYK

(◻ १ बिलाड़निफ़्राय)

अरुनदय ३.० नि गेजेरजौं ३८ लाख आइजोफोरनि मोखाडव मिनिस्लुनाय लाबोदों: अशक सिंघाल

अरुनदय ३.० खौ बेखेवनानै होदों गिबि मन्थ्रिआ। जाय बिथांखिनि गेजेरजौं रइज्यो नाडै ३८ लाखनि बांसिन मुलाम्फागिरिफोरनो १२५० रंखौ थोंजोडै एकाउन्टआव सोहरनाय जादों। बेबादिनो दिनै अरुनदय ३.० बेखेवनाय हाबाफारिखौ रइज्योनि गासै २५,९९१ मिरुफोराव भार्सुएलनि गेजेरजौं बेखेवनाय जादों। आसामनि मन्थ्रि अशक सिंघालआबो गावनि बिधान सभा बियाबनि सिडव थानाय ढेकियाजुलिनिफ्राय अरुनदय ३.० बेखेवनाय हाबाफारियाव बाहागो लाफादों। ढेकियाजुलनि लावदांगि सेन्ट्र आरो हाइनागुरि गुदि फरायसालिनिफ्राय भार्सुएलनि गेजेरजौं अरुनदय ३.० बेखेवनाय हाबाफारियाव बाहागो लाफादों, जेराव ओन्सोलनि गोबां आइजोफोरा बे भार्सुएलनि गेजेरजौं अरुनदय ३.० बेखेवनाय हाबाफारियाव बाहागो लादों। मन्थ्रि अशक सिंघालआ गावनि बिबुंथियाव गरिब, दुखिया आइजोफोरनि थाखाय गिबि मन्थ्रि ७ हिमन्त बिश्व शर्मानि दैदेन्नाय रइज्यो सरकारआ अरुनदय बिथांखिखौ जागायनायनि थाखाय जर'खायै गिबि मन्थ्रि ७ हिमन्त बिश्व शर्मानो साबायख'र जासियो। बे बेखेवनाय हाबाफारिनि गेजेरजौं मन्थ्रि अशक सिंघालआ ओन्सोलनि आइजोफोरखौ लानानै मोनसे सावरायलायनाय हाबाफारि लानाय जायो। सावरायलायनाय हाबाफारियाव मन्थ्रि अशक सिंघालआ गावनि बियाबनि सिडव थानाय आइजोफोरनि अजद, जेंना-जेंसि आरो गासै थासारिनि सोमोन्दै मिबथिनानै लायो। फैबाय थानाय समाव आइजोफोरनि गासै जेंनाफोरखौ बोस्त्रांनो थाखाय नाजागोन होन्नानै आइजोफोरनो खोथा होयो मन्थ्रि अशक सिंघालआ। जोबथारानायाव आसाम सरकारनि बे अरुनदय बिथांखिनि गेजेरजौं गरिब नख'रफोराव एसेब्लाबो हेफाजाब होनो हादों आरो ३८ लाखनि बांसिन आइजोफोरनि मोखाडव मिनिस्लुनाय होफेदों होन्नानै मन्थ्रि अशक सिंघालआ गावनि बिबुंथिनि गेजेरजौं फोरमायदों।◻

भबानिपुरआव अरुनदय ३.०खौ एमएलए फनिधर तालुकदारआ बेखेवबाय

शर्माआ सुबुं अन्सायनायनि थाखायनो गिबि मन्थ्रिनि मासिआव जिरायदों।'' – बेबायदि बिबुंथिखो भबानिपुर बिधान सभा बियाबनि एमएलए फनिधर तालुकदारआ दिनै भबानिपुरनि कलबारि गामिनि हारिमुवारि जौसांआव बिजेपिनि भबानिपुर मन्डल आफादनि बान्जायनायाव खुंनाय अरुनदय ३.० बिथांखिखौ गोथारै बेखेवना होनाय हाबाफारियाव होदों। एमएलए फनिधर तालुकदारआ गावनि बिबुंथियाव बुंदोंदि, ‘‘आसाम सरकारनि मोनसे जर'खा सुबुं अन्सायारि बिथांखि अरुनदयनि धोनजों रइज्योनि गुबुन-गुबुन ओन्सोलनि आइजोफोरा गाव गसंथानो हादों। माखासे आइजोफोर एबा नख'रारिआ गावसोरनि फिसाफोरनि फरायनायनि थाखायबो फरा-फारि सोल्लोंनायनि थाखायबो अरुनदयनि धोनआ हेफाजाब गोनां जादों।’’ मख'नो गोनांदि, कलबारि हारिमुवारि जौसांआव भबानिपुर दख'रा ओन्सोल बिथायाव अरुनदय ३.० बिथांखिखौ गोथारै बेखेवनाय मेलखौ खुंनाय जादों। बिजेपिनि भबानिपुर मन्डल आफादनि आफादगिरि दिगन्त चौधुरीनि सामलायथाइआव खुंजानाय मेलआव कलबारि गामि पन्सायतनि लेडाइ आफादगिरि ज्यतस्ना दास, सोद्रोमा दिपामनी दास, बिजेपिनि लाइमोन दैदेनगिरि अजय दासमोनजों लोगोसे माखासे जर'खा सुबुंफोरा आलासि महरै बाहागो लाफैनायजों लोगोसे माखासे आइजो मुलाम्फायारिफोरा बाहागो लाफैदों। मख'नो गोनांदि, भबानिपुर दख'रा जौगाखां ओन्सोलनि ८ रोजानिखुइबो बांसिन आइजोफोरा दिनै अरुनदय ३.० बिथांखिनि धोनखौ मोन्नो हादों। मेलनि जागायजेन्नायावनो एमएलए फनिधर तालुकदारजों लोगोसे रइजो-राजाफोरा गिबि मन्थ्रि ७ हिमन्त बिश्व शर्माआ भार्सुयेलजों बिबुंथि होनायखौ थोंजों नायदों।◻

माहारियारि देहा मिशननि बान्जायनायाव काजलगाव आरे बिजनीआव मेगा देहा मेला खुंनो साखा-फारा

होनायनि अनगायैबो गोनांथियाव बिसोरखौ गोजौ फाहामथाइनि थाखाय गुबुन रइज्योआव लाना थॉनायनि राहा खालामनायनि थांखिजों बे मेगा देहा मेलाखौ खुंनाय जादों होन्ना मिबंथिहोयो। गुबुन फारसे फैगौ ९ अक्टबर अक्टखालि सदिली बिधान सभानि सिडव थानाय काजलगावनि उपेन्द्रनाथ ब्रह्म फरायसालिमा आरो १६ अक्टबरआव बिजनी बिधान सभानि सिडव थानाय बिजनी फरायसालिमा लांगोनायाव बे मेगा देहा मेलाखौ खुंनाय जागोन होन्ना जिल्ला बेंगिरि जतिन बराआ खौरांगिरि मेलआव फोरमायना होदों। मख'नो गोनांदि, चिरां जिल्लानि काजलगाव आरो बिजनीआव खुंजानो गोनां बे मेगा देहा मेलाआव कक्राझार फाहामथाइ फरायसालिमा, गुवाहाटी फाहामथाइ फरायसालिमानि अनगायैबो अपल’ फाहामसालिनिफ्रायबो कार्डियलजिस्ट, निउरलजिस्ट फाहामगिरिफोरनि अनगायैबो गुबुन-गुबुन बेरामनि रोंगौथि गोनां फाहामगिरिफोरनि बाहागो लाफैगोननि अनगायैबो मेगा देहा मेलायाव गोदान मुगानि मबाइल देहा आन्जादनि खाबु होनाय जागोन। जिल्ला देहा बिफाननिफ्राय आथिखालाव फरायसालिफोरनि नायसंगिरि मावखुलनि गेजेरजोंनो गुबुन-गुबुन सोल्लोंथाइ फसंथानआव फरायनाय गुबुन-गुबुन बेरामआव सन्देरजानाय फरायसाफोरनि मोनसे ड्राफ्ट फारिलाइ थियारि खालामनाय जाबाय। बेनि अनगायैबो अंगनबादि मावफारिया, आशा मावफारियाफोरनि गेजेरजों गामिफोराव फोसावदिंबाय थानाय जादों। बेबायदिनो जिल्लानि भारत-भुटान सिमना ओन्सोलनि गोथौ ओन्सोलआव जिउ खानाय १८ बोसोर बैसोनि फरायसाफोर आरो हौवासा-हिन्जावसाफोरा जाहाथे जायखि-जाया रोखोमनि हान्था मेलानि जेंना गैयाजासे काजलगाव आरो बिजनीनि मेगा देहा मेलायाव फैनो हायो बेनि थाखाय हान्था मेलानि थाखाय बेसेन नाडै बास आरो जाग्ऱा आदारनि राहा खालामना होनाय जादों होन्ना मिबथिहोयो। बेनि थाखायनो जिल्ला नाडैनो थागिरिफोरा जाहाथे बे मेगा देहा मेलानि खाबुखौ आजावनानै गावसोरनि फिसाफोरखौ सासे गोग्गो नोगोरारि महरै सोरजिहोनो हायो बेनि थाखाय बयखौबो खावलायदों। बे मेगा देहा मेलायाव जायखि-जाया रोखोमनि जेंना-जेंसि जायालासेनो फरायसाफोरा जाहाथे गोजौ देहा फाहामथाइनि सिबिथाइखौ मोन्नो हायो बेनि थाखाय नोजोर लाखिनो जिल्ला देहा बिफाननि जुथाइ बिथोनगिरिखौ गोखों बिथोन होयो आरो जिल्ला बेंगिरि महरै गाव-गावबो नायसंबाय थागोन होन्ना बिथाड फोरमायना होयो। दिनैनि खौरांगिरि मेलआव जिल्ला देहा बिफाननि जुथाइ बिथोनगिरि डा: हारुन आल रसित, लेडाइ पुलिस बिबानगिरि नितिसा जगताप, जेएसबि सिबिल फाहामसालिनि सुपारेन्टेन्डेन्ट डा: रेजाउल करिम आहमेदमोनजों लोगोसे देहा बिफाननि माखासे बिबानगिरि आरो मावसुमाफोरा बाहागो लाफैदों।◻

तिनिसुकियानि गोदानै लुजानाय सार्किट हाउसखौ गिबि मन्थ्रि ७ हिमन्त बिश्व शर्माआ बेखेवना होबाय

बिजौनि सिगाडव बुंदोंदि, आसामनि गंग्रोमबो सार्किट हाउसनि सिडव तिनिसुकिया सार्किट हाउसआ बयनिखुइबो समायना आरो फारफ्रोमथिंजायनिफ्राय खाबु गोनांसिन। मख'नो गोनांदि, तिनिसुकिया सन्मिलन मिरुजों मोनसे लांगोनायावनो गोदानै लुजानाय सार्किट हाउसखौ गासै २०.६४ कौटि रं बाहायनानै लुनाय जादों। सार्किट हाउसनि लुनाय खामानिया २०२४ माइथायनि १६ मार्चआव जागायजेन्नाय जादोंमोन आरो थिखानाय समनिखुइ दानसे सिगां लुनाय खामानिखौ आबुं खालामनाय जादों। ५ बिघा हायाव ग्राउन्ड फ्लरखौ नागरानानै बे मोनथाम थाखोनि बिल्डी सार्किट हाउसखौ लुनाय जादों। भवननि ग्राउन्ड फ्लरआव रैखाथि हान्जा आरो केयार टेकारनि खथाजों लोगोसे कमन रूम, लकार रूम, नायसंग्रा खथा, मावखुलि खथा, रिसिप्सन रूम, डाइनिं हल, वेइटि लउन्ज बायदिखौ लुनाय जादों। सेथि थाखोआव खथानै मेल खुंग्राजों लोगोसेनो भिभिआइपि रूम, इक्सिकिउटिभ सुइट रूम, डिलाक्स रूम, स्टेन्डार्ड रूमजों लोगोसे गासै मोन ९ खथाखौ लुनाय जादों। बेबायदिनो नैथि थाखोआवबो बेबायदिनो मोन ९ खथा दं। बेनि अनगायैबो सार्किट हाउसनि सोरगिदिं सिमनानि वाल आरो मोब्लिबआरि खामानि बायदिफोरखौबो जाफुंसारै लुनाय जादों। दिनैनि बे बेखेवनाय हाबाफारियाव हारिमु बिफाननि मन्थ्रि बिमल बरा, लेबार अन्साय बिफाननि मन्थ्रि रुपेस कवाला, एमपि रामेस्वर तेलि, जायगानि एमएलए सन्जय किशान मोनजों लोगोसे माखासे जर'खा सुबुंफोर आरो गोजौ थाखोनि बिबानगिरिफोराबो बाहागो लाफैदों।◻

(◻ १ बिलाड़निफ़्राय)

दिमाकुसि बामुनजुलियाव एसएसबिनि ३७ नं बेटेलियननि बान्जायनायाव बै मोदै फिसिनाय आरो मैखुन आबादनि फोरोंथाइ मिरु बेखेवदों

जादों होन्नानै एसएसबनि गोजौ थाखोनि बिबानगिरिया मिबथिहोदों। एसएसबनि सिभिक एक्सन प्रग्रामनि सिडव मोन ७ यै बिअपिखौ सरजाबनानै मंगलदैयाव थानाय ३७ नं बेटेलियनआ उदालगुरि जिल्लानि भारत-भुटान सिमना ओन्सोलनि दिमाकुसि बामुनजुलियाव खामानि गैयै लाइमोन आरो आबादारिफोरखौ लानानै गोनोखोआरि बिर्थिनि मैखुन आबाद आरो बेरे मोदै फिसिनायनि मोनसे फोरोंथाइ बादा बेखेवदों। एसएसबिजों खुंफुंजानाय बे फोरोंथायाव ओन्सोलनि २०० निखुइ बांसिन जायगानि गोसो गुदुं लाइमोनफोरनो जर'खा महरै मुलाम्फायारि खालामनो हागोन होन्नानै एसएसबिनि इन्स्पेक्टर केसि बिक्रमआ फोरमायो। दिनै बामुनजुलिनि राइजोयारि न'ब्लाडव खुंनाय फोरोंथाइ बादाखौ बेखेवनायाव बाहागो लानानै सरकारि साख्रि होसोनायनि सोलायै बेरे मोदै फिसिनाय, ना फिसिनाय, औवा राइदोंनि आखाइ शिल्प’, गाइखेर दिहुन्नाय, मैखुननि आबाद, हांसो फिनाय बायदिनि हेफाजाबै गावनो गाव गसंथानो हानायनि लामा दिहुन्नो खामानि गैयै लाइमोनफोरनि फारसे खावलायनानै एसएसबिनि सेक्टर तेजपुर हेडकवार्टरनि इन्स्पेक्टर जेनेरेल केसि बिक्रमआ। दिनै जागायजेन्नाय फोरोंथाइ मिरुआव हेडकवार्टरनि डिआइजि राकेश कुमार आरो हान्जानि ३७ नं बेटेलियननि बिबानगिरि रामाभ्टार भालथियाइआ। बेखेवजेन्नाय हाबाफारियाव ओन्सोलनि गुबुन-गुबुन आफाद, समाजारि मावथि, गामि गोऱा, गामि रैखाथि हान्जाखौ लाफानानै २०० नि बांसिन लाइमोनफोर आरो आबादारिफोरा बाहागो लायो।

कक्राझारआव आदि कर्मयगी अभियाननि सिडव जिल्ला प्रसेस लेब हाबाफारि खुंजादों

गोसोआरि सानस्त्रिखौ सोमजिहोयो। बेनि उनाव फिश बाउल हाबाफारि, ब्रेक डा कम्प्ट जन, ‘‘आं गोग्गाबाय/आं गोग्गायाखै’’ बायदि हाबाफारिफोरा गाव-गावसोरनि गावारि आरो फसंथानारि खामानिनि सायाव गावखौ बिजिरना नायनायनि खाबु होयो। जायनि गेजेरजौं बिसोरो जौगाखांनायनि बिर्थिंखौ सिनायथिनो हायो। बेनि अनगायैबो चेन्ज एजेन्ट नेटवार्क मडेल-आं, जों, जों बयबो सोल्लोंनाय (चेन्ज एजेन्ट नेटवार्क मडेल- ‘‘आइ, वी, आस रप एक्सरासाइज’’) गामि आबहावानि बिफाव-फावथाइ आरो सुबुंनि दाथाइ हान्जा दानाय बायदि हाबाफारिजों दिनैनि मावफुंथाइआ खुंजादों। मख'नो गोनांदि, जिल्ला थाखोनि प्रसेस लेबआ फैगौ ९ अक्टबरसिम सोलिबाय थागोन।◻

फैगौ ९ अक्टबरआव गोदान बिटिसि सरकारनि गिबि खेब आइन आफाद जथुम खुंगोन

रइज्यो बेंगिरि लक्ष्मन प्रशाद आचार्यनि मावखुलिनिफ्राय दिनै मोनसे बिथोनलाइ फोसावनायनि गेजेरजों फैगौ ९ अक्टबर बृहस्पतिबारखालि गोदान बिटिसि सरकारनि गिबि आइन आफाद जथुम खुंनो थाखाय हांखायदों। मिबथिनाय बादिब्ला, बे आइन आफाद जथुमनि गेजेरजों बावैसो बिटिसि बिसायख'थियाव बिसायख' जानाय गासै एमसिएलएफोरा समायखिरा लानो हागौ। मख'नाय जायोदि, थानाय बिटिसि बिसायख'थियाव हाग्रामा महिलारीनि दैदेन्नाय बिपिएफ दोलोआ मोन २८ मासियाव देरहानानै फिन बिटिसि खुंथायनि गोहोआव फैफिन्नो हादों।◻

दावहा

जादोंसैं हनै

बर’ हारिनि गेजेराव

गावजों गाव दावहा।

बिसोरबो बैसोखों

नायनो हालिया

बैसोरबो बिसोरखौं

नायनो हालिया जादों।

बर’ हारिनि गेजेराव

गावजों गाव दानलाय-सुलाय

मानि थाखाय मानि जाहोनाव

सोरखौ लानानै

बर’ हारनि गेजेराव

गावजों गाव हारिजों हारि

दावहा जादों।

नॉंबो बर’ हारि

आंबो बर’ हारि

मानो जानांगौ

गावजों गाव दावहा।

दावहाखौ ज़ाब गारनानै

हारिखौ गोजौ दैखांनो

खौसै जादो।

बिदा-फंबाय बायदि

अनलायनांगौ।

दुखुखौ गारनानै

सुखुखौ लाबो नांगौ।

बर’ हारिया खौसै जायाब्ला

गुबुन हारिजों नाखेब जागोन,

मुगै जागोन आरो मिनि जागोन।

बेनि खायनो बर’ हारिया

गुबुन हारि बायदि खौसै जानांगौ।

बर’ हारिया जेब्लाबो खौसै जादों।

मिथिसार नार्जारी
गामि- चितनागुरी।

(◻ १ बिलाड़निफ़्राय)

अरुनदय ३.० खौ हाबाफारि बादियै गोथारै बेखेवबाय

मुलाम्फा मोन्नायनि गथायनाय हाबाफारिनि गेजेरजों दानफायाव १२५० राडै अन्सुंथाइ गथायनायखौ हाबाफारि बायदियै गोथारै बेखेवना होबाय। बेखौ लोब्बा लानानै खानापारनि जुनाद फाहामथाइ बिगियान फरायसालिमानि गेलेग्रा फोथाराव खुंनाय मिरु गोथारै बेखेवनाय हाबाफारिनिफ्राय बेयाव थुबुर जानाय राइजोफोरजों लोगोसे भार्सुयेलजों भट थुग्रा मिरु बादियै रइज्योनि मोन २५,९९१ जायगायाव थुबुर जानाय मुलाम्फायारिफोरनि सिगाडव गिबि मन्थ्रि ७ शर्माआ बुंदोंदि, रइज्योनि अन्त्यरदया नख'रफोरनो रंखान्थि हेफाजाब होनायनि थाखाय आखायाव लानाय उदांस्त्रि मोन्नायनि उनाव आसामनि जारिमिननि बयनिखुइबो गेदेर अन्सायारि बिथांखि अरुनदयनि सिडव रइज्यो सरकारआ बोसोराव गासै ५००० कौटि रं बाहायगोन। बिथांखि जागायजेन्नाय सम सोमोन्दै मख'नानै बिथाड बुंदोंदि, कभिडनि थासारियाव निखावरिजों मोगा-मोगि जानांनाय रइज्योनि सरासनस्त्रा सुबुंफोरखौ हेफाजाब होनायनि थांखिजों २०२० माइथायाव गाव रंखान्थि मन्थ्रि महरै थानाय समआव बे बिथांखिखौ जागायजेन्नाय जादोंमोन। गिबि थासारियाव बेनि सिडव गासै १८ लाख मुलाम्फायारिफोरनो दानफ्रोमबो १० अक्टखालि बिसोरनि बेंक एकाउन्टनि गेजेरजों दानफायाव ८३० राडै गथायनायनि राहा लानाय जादोंमोन होन्नानै बिथाड बुंदोंदि, रइज्योनि दाबि खालामनाय बायदियै २०२१ माइथायनि अक्टबर दाननिफ्राय दानफायाव बे धोनखौ १००० रंसिम बांहोनाय जादों। २०२२ माइथायनि १४ नभेम्बरआव बिथांखिनि सिडव मुलाम्फायारि अन्जिमाखौ आरोबाव १० लाखसिम बांहोनाय जायो आरो २८ लाख मुलाम्फायारिफोरजों अरुनदय २.० आ जागायजेन्दों। इयुन समआव राइजोफोरा हास्थायनाय बायदियै अरुनदयनि सिडव गथायनाय दानआरि धोनखौ १२५० रंसिम बांहोनाय जायो। बिथाड बुंदोंदि, बेनि उनावबो माखासे अन्जिमानि आइजोफोरा बिथांखिनिफ्राय नागरल्लांजादों होन्ना मोनदांथिनानै सरकारआ ३८ लाखनिबो बांसिन मुलाम्फायारिफोरखौ लाफानानै अरुनदय ३.० खौ जागायजेन्दों। बिथाड बुंदोंदि, रइज्यो सरकारनि रंखान्थि बिफान, जिल्ला खुंथाइ आरो मन्थ्रि-एमएलएफोरनि बोसोरनाडै नाजानायनि फिथाइ गोनां महरै बे बादिया जाफुंसारदों। बिटिआरनि सिडव थानाय जिल्लाफोराव बावैसोआव खुंनाय बिसायख'थिनि थाखाय बे बिथांखिखौ मावफुंनायाव माखासे उफ़्रा समनि गोनांथि जागोन होन्नानै बिथाड बुंदोंदि, बिटिसिनि ६ लाख मुलाम्फायारिफोरखौ बे बिथांखिनि सिडव लाफानाय जागोन। गिबि मन्थ्रिआ बुंदोंदि, अरुनदय बिथांखिखौ मुलाम्फायारिफोरनि सायाव आयदा महरै लानाय बिथांखि होन्ना माखासे सुबुंफोरा सोंखारियो, नाथाय बे बिथांखिया मुलाम्फायारिफोरनिसिमल’ गथायनाय मोनसे रंखान्थि अन्सुंथाइ नड, बेयो जाबाय रइज्योनि आइजो आरो बिमा समाजनि फारसे रइज्यो सरकारआ गथायनाय मोनसे सनमान, मोनसे मान बाउनायनि नेसॉनि। बिथाडा बुंदोंदि, थॉनाय सेफेम्बर दानआव मोन्नो गोनां किस्तिजों गोरोबनानै फैगौ फेब्रुवारि दानआव अरुनदय मुलाम्फायारिफोरा रइज्यो सरकारनिफ्राय मोनसे गेदेर अन्थोब महरै मोन्नो हागोन। बिथाड बुंदोंदि, फैगौ १ नभेम्बरनिफ्राय रेसन कार्ड थानाय नख'रफोरा बाडाइ बेसेनआव दार्लि, संत्रिखि आरो सिनिखौबो मोन्नो हागोन। अरुनदयनि मुलाम्फायारिफोरा संग्रा गेसनि फोरमान बिलाइ गथायोब्ला सरकारआ साब्सिडि महरै उफ़्रा २५० रं गथायगोन होन्नानै बिथाड बुंदोंदि, इयुन समआव रेसन कार्डनि गेजेरजों बाडाइ बेसेनाव थाव गुबै गथायनायनि थाखायबो सरकारआ थांखि आजावदों। गिबि मन्थ्रि ७ शर्माआ बुंदोंदि, रइज्यो सरकारआ फरायसुला-फरायसुलिफोरनि बेसेन नाडै मुं थिसन्नाय, फरायसुलिफोरनि थाखाय बेसेन नाडै साइकेल आरो स्कुटि गथायनाय, हिन्जावसाफोरनि फरा-फारिनि थाखाय निजुट मइनानि सिडव रंखान्थि अन्सुंथाइ गथायनाय बायदिनि गेजेरजों निखावरिफोरखौ हेफाजाब होनायनि थाखाय गुबुन-गुबुन थांखि आजावना लादों। अरुनदय बिथांखिनि मुलाम्फायारिफोरा जायखि-जाया बेले-बेजे जायाजासे बिथांखिनि धोनखौ मोनबाय थानायनि थाखाय बेंकनि केवाइसि फोरमान बिलाइखौ समनि गेजेराव गथायनानै गनायथि जानाय महरै लाखिनो बिथाड खावलायदों। गुबुन फारसे अरुनदयनि मुलाम्फायारिफोरनि मबाइल नाम्बार सोलायोब्ला, बेनि सोमोन्दैबो बिफाननो फोरमायथिनो बिथाड खावलायदों। आथिखालनिफ्राय दरफ्रोमबो जौगाखां खोन्दोनि मावखुलिआव सासे अरुनदय हेफाजाबगिरि थागोन होन्नानै बिथाड बुंदोंदि, मुलाम्फायारिफोरा मोगा-मोगि जानाय जायखि-जाया रोखोमनि जेंना बेले-बेजेनि थाखाय अरुनदय हेफाजाबगिरिनो अज'द थिसनो हागोन। मुलाम्फायारिफोरा अज'द थिसन्नायनि थाखाय सरकारआ थाबैनो मोनसे फन नाम्बार बेखेवगोन होन्ना फोरमायनानै बिथाड बुंदोंदि, बेनि गेजेरजोंबो मुलाम्फायारिफोरा गावसोरनि अज'द एबा जॅनानि सोमोन्दै सरकारनो मिबथिहोनो हागोन। खाफाल गात्रि महरै सोरबा अरुनदय मुलाम्फायारिआ रूंसारि जायोब्ला बेनि सोमोन्दैबो सरकारनो फोरमायनो नख'रनि गुबुन मोन्थाव मुलाम्फायारिनि मुंखौ थिसन्नो बिथाड राइजो-राजाफोरनिसिम खावलायदों। गिबि मन्थ्रिआ बुंदोंदि, अरुनदय बिथांखिनि जाफुंसारनाया दिनै हादतनि गुबुन रइज्योफोरखौबो थुलुंगाखां होदों। आसामनि आदर्शजों आथिखालाव सत्तिशगड्, मद्यप्रदेश, कर्नाटक आरो महाराष्ट्रबादि रइज्योफोराबो अरुनदय मडेलखौ आजावना लादों होन्ना बिथाड मिबथिहोदों। बिथाड बुंदोंदि, सान ऑंखारग्रा रइज्यो आसामआ रइज्योनि निखावरिखौ फोजोबस्त्रांनाय बिथांखिखौबो सान ऑंखार होनो हानाया जॉनि थाखाय जोबोद गोग्गानायनि बाश्रा। रंखान्थि बिफाननि कमिसनार सेक्रेटारि जयन्त नार्लिकारआ बराय बिबुंथि होनाय दिनैनि बे मिरु हाबाफारियाव रंखान्थि मन्थ्रि अजन्ता नेउगआबो बिबुंथि लाखिदों। हाबाफारियाव रइज्यो सभानि एमपि भुबनेस्वर कलिता, गुवाहाटी लक सभा बियाबनि एमपि बिजुलि कलिता मेधि, एमएलए सिद्धार्त भट्टाचार्य, रमेन्द्र नारायण कलिता आरो सुमन हरिप्रिया, गुवाहाटीनि मेयर मुगेन शरनिया, गाहाइ नेहाथारि रबि कटा मोनजों लोगोसे रंखान्थि बिफान, जिल्ला खुंथाइ आरो गुबुन गुबुन बिफाननि गोजौ थाखोनि बिबानगिरिफोरा बाहागो लाफैनायजों लोगोसे रइज्योनि गुबुन-गुबुन जायगायाव खुंनाय हाबाफारियाव माखासे मन्थ्रि-एमएलए-एमपिजों लोगोसे सुबुं थान्दैफोर, समाज सिबियारिफोर आरो अरुनदय ३.० नि मुलाम्फायारिफोरा बाहागो लाफैदों।◻

नबेल प्राइज २०२५: फिजिक्सआव आमेरिकानि सा ३ गोनोखोगिरिफोरनो नबेल प्राइज

मार्टिनेस मोननि मुड बान्थानि थाखाय साइख'जादों। बिसोर सा ३ नो 'मोनसे मोब्लिबआरि बेंखन्थाइआव मेक्रस्कपि क्वान्टम मेकानिकेल टयनेर्लिं आरो गोहो क्वान्टइजेसन'नि दिहुन्थाइ होनायनि थाखाय बिसोर सा ३ नोबो २०२५ बोसोरनि बे नबेल बान्थाखौ गथायनो लानाय जादों। मख'नो गोनांदि फिजिक्सनि नबेल बान्थाखौ नबेल आफादआ बे खेबनि फिजिक्सआव क्वान्टम मेकानिक्सनि उनसं फोजौखॉनायनि खाबु सोरंजनायजों लोगोसे क्वान्टम क्रिप्टग्राफि, क्वान्टम कम्पिउटर आरो क्वान्टम सेन्सनि फोजौखॉनायाव मैखोम बिफाव होगोन।

मख'नो गोनांदि, क्वान्टम मेकानिक्स आरो क्वान्टम टेक्नलजिआ जादों दिनैनि मुलुगनां डिजिटेल टेक्नलजिनि गुबै महर। गासैफ्राम १०० बोसोरनि सिगां दिहुन्नाय क्वान्टमनि लासै लासै जौगाखांबोनायनि फिथाइ महरै दिनै क्वान्टम टेक्नलजिनि मददजों मुलुगआ मोनसे डिजिटेल मुलुगसिम महर सोलायदों। माखासे समनि थाखाय गुन्द्रासा खोलोबआवल’ क्वान्टम टेक्नलजिनि गोहोम नुनो मोन्नाय जायोब्लाबो बिसोर सा ३ गोनोखोंगिरिया गिदित महरनि सिस्टेमखौ क्वान्टम टेक्नलजिनि बाहायनो थाखाय अरायथा महरनि दिहुन्नानै लाखिदोंमोन। बेनि जाउनाव क्वान्टम कम्पिउटिं आरो इनफरमेनेसन प्रसेसिं आरो फोरमान सैरैखाथिनि आगजु डिजाइन आरो दिहुन्नाय बेलायाव मोनसे जाख्रिथायारि सोलायनाय लाबोनायाव जाफुंसारनो हादों।◻

अरां माहारियारि पार्क आरो टाइगार प्रजेक्टखौ मैयानिफ्राय दावबायारिफोरनि थाखाय बेखेवबाय

दावबायारिफोरनि होंगो-दोंगो जाफैनायखौ नुनो मोन्नाय जादों। दावबायारिफोरनि थाखाय जीप साफारिनि खाबु होनाय जादों। बे रोखोमैनो फारियै मैदेर साफारिनि थाखायबो पार्क बिफानारिआ गोखैनो राहा लागोन होन्नानै फोसावदों। बेनि अनगायैबो गुबुन-गुबुन दावमा-दाउसा, जिव-जुनातजों बुंफबनाय पार्कआव दावबायारिफोरनि अन्जिमाया बे बोसोराव गुबुन बोसोरनि रुजुनायाव बांसिन जागोन होन्नानै मिर्जिंथिदों पार्क बिफानारिआ।◻

माहाम देहानि राहा इनफर्टिलिटी जेंनायाव गोर्ग्लैनाय हौवाफोरा खुसेर बिदै लॉनानै मुलाम्फा मोन्नो हागौ

भारतआव खुसेरनि जुसरखौ बयबो मोजां मोनो। गरम बोथोरव बाजारआव खुसेर बिदैनि माखासे स्टलफोर मोन्नाय जायो। अदेबानि खुसेरनि जुसआ जॉनो माखासे देहायारि मुलाम्फा होयो। लोगोसे बेखौ लॉनायजों हौवाफोरा मोनसे गोब्राब जेंनानिफ्राय रेहायबो मोन्नो हागौ। नाथाय खुसेरनि जुसनिफ्राय मोन्नाय गासै मुलाम्फाफोरखौ मोन्नो थाखाय बेखौ मोनसे जर'खा समाव लॉनांगोन। हादरनि मुंदांखा निउट्टिसनिस्ट रुजुता दिभेकरआ खुसेरनि जुस लॉनायजों मोन्नाय मुलाम्फाफोरनि सोमोन्दै फोरमायदों। बिथाड बुंदोंदि, गोथाडे दिहुनाय खुसेर बिदैखौ लॉनांगौ आरो बेखौ बेलासि जानायनि सिगां सप्ताहआव खमैब्लाबो खेबथाम लॉनांगौ। बेजों लोगोसे बेखौ जिरायनानै लोंब्लासो बे जुसनि



मुलाम्फाखौ मोन्नो हागोन।

(1) रुजुता दिभेकरनि बादिब्ला, जाय हौवाफोरा इनफर्टिलिटी एबा बिफा जानो हाथैनि जेंनाजों भुगिनांदों, बिसोर खुसेर बिदै लॉनांगौ। मानोना बेयो फर्टिलिटीखौ गोखों खालामो।

(2) खुसेर बिदैआ आइजोफोरखौ पिरियडसनि सिगां ब्लाड स्पटिं आरो केम्पनिफ्राय रेहायबो होयो आरो गोदान बिमानि थाखाय लेक्टेसनआव बारायहोयो।

(3) खुसेर बिदै लॉनायजों उदै दुनाय आरो मेंनायनि जेंनाया जानगार जायो।

(4) बेयो लिभार आरो कि डनीनि फांक्सनखौ साबसिन खालामो।

(5) सिथर-सिला आरो डेन्डुफनि जेंनानिफ्राय रेहाय मोन्नो थाखायबो बेखौ लॉनांगौ।

(6) खुसेर बिदैआ खि गोरा खिनाय जेंनानिफ्रायबो रेहाय मोनहोयो।□

‘सनी संस्कारी की तुलसी कुमारी’ सावथुननि 5 थि साननि बक्स अफिस कालेक्सनखौ दावख्लायनाय नुदों

भरुण धवन, जाहन्वी कापुर, रहित सराफ, सान्या मल्हत्रा स्टारनि ‘सनि संस्कारी की तुलसी कुमारी’ सावथुना थियेटर्सआव रिलिज जानाया 5 सान आबुं जाबाय। सावथुना दशेहयनि खाबुआव 2 अक्टबरखालि रिलिज जादोंमोन आरो 9.25 कौटि रंजों लोगोसे बक्स अफिसआव अपेनिं लादोंमोन। समबारनि कालेक्सननि बाथ्रा सावरायोब्ला, सावथुननि रं आरजिनाय अन्जिमाया सोलायबाय। बबेखानि 9.25 कौटि रंजों अपेनिं लानाय सावथुना नैथि सानाव 5.5 कौटि रं, थामथि सानाव 7.5 कौटि रं, ब्रैथि सानाव 7.5 कौटि रं आरजिदों। समबारखालि बेनि रं आरजिनायखौ दावख्लायनाय थिसन्नो मोन्दों। सावथुना



गावनि गिबि उइकेन्डनि उनाव समबारखालि 2.06 कौटि रं आरजिदों आरो बेजों लोगोसे सावथुननि बाथि साननि कालेक्सना 32.06 कौटि रं जादों। सावथुना हादतनाडै दासिमाव 42 कौटि रं आरजिबाय। जेराव अभारसिस कालेक्सना 6 कौटि रं आरो भारनि ग्रस कालेक्सना 36 कौटि रं। बबेखानि बेयो

खालि सानब्रैनिंल ‘कालेक्सन, 5 थि साननि वाल्डवाइड कालेक्सननि अनजिमाया फैनो दंबावो। सनी संस्कारी जों लोगोसे थियेटरआव ऋषभ शेड्ढिनि मस्ट अवेटेड सावथुन कान्तारा चेप्टार 1 आबो रिलिज जादोंमोन। बेनिखायनो सावथुननि बादायलायनाया गोब्राब जानानै दं, नाथाय

बेनि जाहोनावबो बे सावथुना उइकेन्डसिमाव मोजां कालेक्सन खालामदों। सावथुननि बाजेटआ 80 कौटि रंनि आरो सावथुना दासिमबो बे बाजेटसिम सौहैनो जोबोद गोजानाव दं। बबेखानि नायनो गोनं बाथ्राया बेनोदि, सावथुना इयुनाव माबायदि दिन्थिफुंलानो हायो।□

बिग बस 19 नि कन्टेस्टेन्ट अमाल मालिकनि मोनसे भिडिअया समाजयारि बिजोंआव गोरखैयै भाइरेल जादों



बिग बस 19 आ गावनि 7 थि सप्ताहआव आगान होबाय। बेनि गेजेराव, कन्टेस्टेन्टफोरनि गेजेराव दान्थे बिदान्थे जालायनायखौ नुनो मोन्दों। अमाल मालिक आरो शहबाजआ जेराव लोगो नानानै अभिषेक आरो अश्रु कौरनि सायाव थांखि बोदोंमोन, बेराफारसेथिं बजाजआबो बिथांखिखौ ‘पालतु’ होन्ना बुंदोंमोन। माब्लाबा न'आव शहनाजनि फंबाय शहबाजखौ, माब्लाबा फरहाना आरो

अभिषेकखौ बादायारिफोरा बे सिजननि बांसिन आनहाइजेनिक कन्टेस्टेन्ट होन्ना मिबथि होदों। बबेखानि बेनि गेजेरावनो दा अमाल मालिकनि मोनसे भिडिअया भाइरेल जागासिनो दं, जेराव बिथाडा किचेनआव गसंनानै औरैबायदि आखु दिन्थिदों, जायखौ नुनानै सुबुंफोरा खर’ सानो हमदों। बावैसो सिगां देखोगिरि अमाल मालिकनि एक्स एकाउन्टआव मोनसे भिडिअया गोखैयै भाइरेल

जागासिनो दं, जायनि जाहोनाव बिथाडा गोबां ट्रलिं जानायखौ सहायनांगासिनो दं। बे भिडिअयाव अमाल मालिक आ लोंग्रा दैनि पाइपनिफ्राय डायरेक्ट दै लोंदों। बेल’ नड, बिथाडा लॉनायनि सिगां बे दैजोंनो खुगा सुनानै किचेननि भेसिनआव खुगानि दैखौ गारदों, जेराव भेसिनाव माखासे थोरसि लथाफोर गोर्ग्लैसोना दंमोन। बिथानि बे भिडिअया भाइरेल जानाय

कमेडि ड्रामा ‘जलि एलएलबि 3’ सावथुनआ अटिटि प्लेटफर्मआव थाबैनो रिलिज जासिगोन

अक्षय कुमारनि सोलिफु बोसोरनि ब्रैथि सावथुन ‘जलि एलएलबि 3’ आ बे समाव सिनेमा हलफोरव मोजां पारफर्म खालामगासिनो दं। अरशद वारसिजों लोगोसे अकिकनि ज'रखौ अडियन्स आरो क्रिटिक्सफोरा जोबोद मोजां मोन्दों, जायनि जाहोनाव बक्स अफिसआव सावथुना मोजाडैनो दिन्थिफुंनो हागासिनो दं। बबेखानि दा ‘जलि एलएलबि 3’ नि अटिटि रिलिजखौ लानानै सावराय लायनायाबो बांसिन जादों। 19 सेप्टेम्बर 2025 आव बिथोनगिरि सुभाष कापुरनि बिथोन होनायाव बानाय जानाय ‘जलि एलएलबि 3’ सावथुनखौ हादतनाडै थियेटरफोराव रिलिज खालामनाय जादों। जलि एलएलबि फ्रेन्चाइजिनि बायदिब्ला, सावथुननि थामथि खोन्दोनिफ्राय गोबां मिजिं आरो गावसिनि साबसिन सल'नि गोहोजों अक्षय कुमार आरो अरशद वारसिनि सावथुना आसा



खालामनाय बायदियै जाफुंसारनो हादों। अदेबानि दा सावथुननि अटिटि रिलिजखौ लानानै सावरायनाया जागायनो हमदों। मिबथि होनाय जायोदि, रिलिज जानाय सिगां

जलि एलएलबि 3 नि सावथुननि डिजिटेल राइट्सआ सेल जाबायमोन, जायखौ मुंदांखा अटिटि प्लेटफर्म नेटफ्लिक्सआ बायदोंमोन। बेनि जाहोनाव फैगौ समाव

बे सावथुनखौ नेटफ्लिक्सआवनो स्ट्रिम खालामनाय जागोन। बबेखानि बेनि मावख 'यारि महरै अटिटि रिलिज अक्टखौ फोसावनांगौ दंबावो। हमदांना लानाय

‘कान्तारा चेप्टार 1’ सावथुना 5 साननि गेजेराव 10 बोसोर गोजाम सावथुनफोरनि रिकर्डखौ सिफायदों

2022 आव रिलिज जानाय ‘कान्तारा’ सावथुना बक्स अफिसआव गोबां समनि उनाव बाखाय जानो मोन्दोंमोन आरो सल'आबो सुबुंफोरनि गोसोखौ बोनो हादोंमोन, नाथाय बेनि प्रिक्वेलआ नख'रारि बक्स अफिसआव फैनाय लोगो लोगोनो वर्ल्डवाइडआवबो दोहौ सोमजि होदोंमोन। गिबि सानआव दशेहयनि खाबुआव 60 कौटि रंजों मुलुगनां बक्स अफिसआव अपेनिं लानो हानाय बे सावथुना नायै नायैनो वर्ल्डवाइड 125 कौटि रं आरजिनानै गावनि गासै सावथुनाव बाहायनाय बाजेटखौ रिकभार खालामनो



हादोंमोन। बबेखानि दासिमबो ऋषभ शेड्ढिनि बे सावथुनखौ होबथानो हागोना जाथावा, मानोना कान्तारा चेप्टार 1 आ 5 साननि गेजेरावनो वाल्डवाइड 10 बोसोर गोजाम सावथुननि रिकर्डखौ सिफायदों आरो लोगोसेनो बाजेटनि नैगुण बारा रं आरजिदों। बे

सावथुनखौ गुबुन हादतफोराव जैरै अस्ट्रेलियानिफ्राय लानानै जार्मानि, मालेशिया, निउजिलेन्ड, आमेरिका आरो इनाइटेड किंगडमआव रिलिज खालामनाय जादों। जेराव आमेरिकायाव ऋषभ शेड्ढिनि सावथुना डलार्स आरजिदों, जाय भारतयारि रंनि बायदिब्ला,

थियेटर्सआव फेलें जानाय ‘बागी 4’ सावथुनआव अटिटिआव दोहौ सोमजिहोगोन

थानाय दानाव सिनेमा हलफोराव फावखुंगुर टाइगर श्रफ आरो सन्जय दत्तनि सावथुन ‘बागी 4’ खौ रिलिज खालामनाय जादोंमोन। बे एक्सन थ्रिलरजों नायगिरिफोरा गोबां मिजिं दंमोन, नाथाय बक्स अफिसआव बे सावथुना जर'खा मोजां दिन्थिफुनो हायाखै। बबेखानि दा बागी 4 नि अटिटि रिलिजखौ लानानै गोबां सावराय लायगासिनो दं। सावथुन बानायगिरि साजिद नाडियावालानि ब्लकबास्टर फ्रेन्चाइजि बागी 4 नि अटिटि रिलिजखौ लानानै गोबां सावराय लायगासिनो दं। सावथुन बानायगिरि साजिद नाडियावालानि ब्लकबास्टर फ्रेन्चाइजि बागीनि ब्रैथि खोन्देखौ क्रिटिक्स आरो नायगिरिफोरनि फारसेनिफ्राय पजिटिभ रिस्पन्स मोन्नो हायाखै। जायनि जाहोनाव



बक्स अफिसआव बे सावथुननि दिन्थिफुं'नाया जाफुंसारनो हायाखै। दा सावथुना अटिटिआव रिलिज जानो थाखाय थियारि जाबाय अदेबानि बागि 4 नि अनलाइन स्ट्रिमिनि फारसे सावरायोब्ला, टाइगर श्रफ स्टारनि बे सावथुनखौ मुंदांखा अटिटि प्लेटफर्म आमेजिन प्राइम भिडिअयाव अनलाइन स्ट्रिम खालामनाय जागोन। नाथाय दासिमबो बेनि अटिटि रिलिज

अक्टआ थि जायाखै। अटिटि प्ले प्रिमियारनि सुलुंनि बायदिब्ला, बे दाननि जोबथा सप्ताहयाव बागी पार्ट 4 आ अटिटिआव नुजाथिगोन। मिबथि होनाय जायोदि, रिलिजनि सिगां सावथुननि डिजिटेल राइट्सखौ प्राइम भिडिअया बायखाबायमोन। बेनिखायनो जुदि नोंथांमोनहाबो ‘बागी 4’ नि अटिटि रिलिज जानायखौ नेनानै दंमोन प्राइम भिडिअखौ

साब्सक्रिप्सन खालामनानै ला। मिडिया रिपर्टनि बायदिब्ला बागी 4 नि गासै बाजेटआ 80 कौटि रंनि खाथियाव होन्ना मिबथि होनाय जादों। बलिउड हांगामानि सुलुंनि बायदिब्ला, टाइगर श्रफनि बे सावथुना नख'रारि बक्स अफिसआव कालेक्सनआ 47.40 कौटि रं थादों आरो वाल्डवाइड बे अन्जिमाया 66.39 कौटि रं थादों।□

मुंदांखा फावखुंगुरभिजय देभराकान्डानि कारआ जाब्रबथाइ जादों



पुलिसआ केसखौ थिसन्नानै नायबिजिनो जागायदों।फावखुंगुर भिजय देभराकान्डानि लेक्सस कारआ हरखाबै आगदा फरसे गिदिं लानानै गंसे बलेर'जों सौग्रावहैयो

आरो बे जाब्रबथाया जायो। भिजयआ बे समाव गारिनि सिगाडावनो दंमोन, नाथाय बिथाड जेबो जायासै रैखाथियै बारग'बाय। बिबानगिरिफोरनि

बुंनाय बायदिब्ला, जाब्रबथाया हरखाबै जादों, मानोना बलेर'आ दिग सोलायदों, जायजों फावखुंगुरनि कारआ सरसन्खा ख'हा जादों। भिजय देभराकान्डाआ जाब्रबथाइनि उनाव रैखायै हाइड्राबादआव सौहैयो। पुलिसनि बायदिब्ला फावखुंगुर भिजय देभराकान्डाआ सानजौफु 3 रिगायाव पुटुपर्थिनिफ्राय हाइड्राबादआव थांगासिनो दंमोन, बे समावनो सिगांआव खारबाय थानाय गंसे बलेर' गारिया हरखाबै आगदा फारसे गिदिदों, जायजों बिथानि कारनि आक्सि बाहागोया सौग्रावदों। भिजय आरो गुबुन सानै सुबुंफोरा कारआवनो दंमोन। खाफाल मोजां रवबो जेबो दुखु मोनाखिसै। बिथाड थाबैनो आलादा गारि लायो आरो बिथानि हान्जाया बिमा पलिसिनि थाखाय पुलिसनाव अजदलाइ थिसनो। बे खौरंआ बै खौरंफोरनि उनाव फैदों, जेराव फावखुंगुर आरो रश्मिका मन्डानाया 3 अक्टबरखालि भिजयनि हाइड्राबादआव थानाय न'आव मोनसे प्राइभेट चेरमनियाव आस्थाम सोलायबायमोन, जेराव नख'रनि आंगो सोट्रोमाफोरा दंफयोमोन।□

वर्ल्ड जुनियर चेम्पियनशिपआव भारतनि हान्जाया गोख्रों दिन्थिफुंनायजों जागायदों

गुवाहाटी, 7 अक्टबर: नख 'राति महरै' भारतआ समबारखालि नेसनेल सेन्टार अफ एक्सलेन्सआव बिडब्लिउएफ वर्ल्ड जुनियर चेम्पियनसिप 2025 नि गिबि सानआव गु.प-एइसनि गेलेनायाव नेपालखौ गोरलैयै फेजेन्नानै सुहादिनाता कापनि थाखाय गावसोरनि मिक्स हान्जानि अभियानखौ जागायो। एखे हान्जानिनो गुबुन मोनसे गेलेनायाव श्रीलंकाया मोनसे गोख्रों बादायलायनायाव इउएइखौ फेजेन्नानै जोबोद गोमोथाव गेलेनानै दिन्थियो। नैथि सारियाव थानाय भारतआ गावसोरनि लाइनआपआव गुबुन गुबुन गेलेगिरिफोरखौ नाजायो नाथाय थेवब्लाबो गोरलैयैनो 45-18 आरौ 45-17 जों देरहानो हायो। श्रीलंकाया इउएइनि सोलायनायखौ खाबु होनानै 30-45, 45-34, 45-44 आव देरहायो। 14 खेबनि चेम्पियन चीन, बारग' चेम्पियन इन्डनेसिया आरौ खोला करियानि गेजेराव गुबुन गासैबो



दावगाफुनाय हादरफोरा गाव-गावनि बेरेखा हान्जाखौ गोरलैयैनो थोंजों सेटआव फेजेन्नानै गावसोरनि केम्पेइनखौ जागायनो हायो। बारग' वर्ल्ड जुनियर नं.1 हौवासाफोरनि डाबल हान्जा भार्गभ राम अरिगेला आरौ बिस्वा तेज गम्बुरु बिथांमोनहा कबीर केसी आरौ सुप्रिम पन्ताखौ 9-3 आव फेजेन्नानै भारतनि केम्पेइनखौ जागाय जेन्नो हादोंमोन आरौ भारतआ माब्लाबाबो जेबो

जेंनायाव गोर्लैनायखौ नुनो मोनाखैमोन। हिन्जावसाफोरनि हारसिं गेलेनायाव उन्ति हुड्डु आरौ एसियान -19 चेम्पियनसिप ब्रन्ज मेडेल देरहागिरि तन्वी शर्माया गाव-गावनि हारसिं गेलेनायाव गोरोन्थि गैयै गेलेनो हादोंमोन आरौ शुर्याश रावत आरौ रैनक चौहानआ गोरलैयैनो गोब्राव चेलेन्जफोरनि थाखाय थियारि जानो हादोंमोन। गुबुन गाहाइ बेडमिन्टन हादरफोराबो

शांघाई मास्टार्सआव आलेक्जेन्डर ज्वेरेभआ आर्थर रिन्डरकनेकजों जेन्नांदों

शांघाई, 7 अक्टबर: बुहुमनि थाम्थि मासियाव थानो हानाय आलेक्जेन्डर ज्वेरेभआ समबारखालि शांघाई मास्टार्सआव फ्रान्सनि आर्थर रिन्डरकनेकजों 4-6, 6-3, 6-2 आव जेन्नो गोनां जायो, जायनि जाहोनाव नभाक जकभिसआ टुर्नामेन्टआव जौसिन मासि आवग्रिनो हानाय गेलेगिरि जानो हायो। दुहाव थासारिआव 54थि मासियाव थानाय फ्रान्सनि गेलेगिरिआ मोनसे सेट जेननायनिफ्राय रैखा मोनफिन्नानै लासै-लासै गोजोन गैयै ज्वेरेभखौ जेन्नो गोनां जायो। जार्मानआ शंघाईआव गावनि जोबथा मेचनि जोबनायार्थि गावनि गिदिर आसिखौ दुखु मोनदोंमोन, नाथाय समबारखालि बिथाड आबुडै मोजाडैनो नुजादोंमोन मानोना बिथाड थाम्थि गेमआव फरहेन्डजों रिन्डरकनेकनि सार्भिसखौ सिफायदोंमोन। बिथाड नैथि सेटनि जागायनायावनो सिगांलानो हादोंमोन। नाथाय रिन्डरकनेकआ सिरि थादोंमोन आरौ ब्रैथि गेमआव नारसिन्नायखौ गोख्रों खालामनानै जोबनायाव फेजेन्नो हादोंमोन। बिथाड बुडोदि, आं

थरैनो रोखा नड दि, आं माबोरे गेलेनायखौ फिदिनो हादोंमोन। आं गावनि गासैबो गोहोजों जुजिदोंमोन आरौ गासैखौबो नाजानो हादोंमोन। ज्वेरेभआ सासे गेदेमा गेलेगिरि आं मोन्थिखादोंमोनदि बेयो गोब्राव जागोन। नैथि सेटनिफ्राय जागायजेन्नानै आं थि समाव आरौ बांसिन सोलोगोनां महरै बांसिन गाग्लोबनानै गेलेनो हादोंमोन होन्ना बिथांआ बुंवावो। बै गोख्रैथिखौ बिथा खालामनानै 30 बोसोर बैसोनि गेलेगिरिआ थाम्थि सेटनि थाम्थि गेमआव ब्रेक खालामो। ज्वेरेभआ बांद्राय हासुनायनि थाखाय गावनि जुथाफोरखौ सोलायनो थाखाय ब्रेक लानो गोनां जादोंमोन, फारसेथिं नायगिरिफोरा थाबथानाय सिदोबथिजों जुजिनो थाखाय पंखा बाहायदोंमोन आरौ खाफालाव कुलिं पैक गानदोंमोन। जिखिजायामानो, जुथा सोलायनाया जार्मानखौ मदद होनो थाखाय थोजासे नडामोन आरौ 7थि गेमआव डाबल गोरोन्थिआ रिन्डरकनेकखौ आरौबाव खेबसेबाव सिफायनो खाबु होदोंमोन। देरहानायखौ थि खालामनो थाखाय मोनसे गोख्रों खाबु जों फ्रान्सनि



गेलेगिरिआ रंजा खुसि फोथायनायाव उन्थिं गंगलायो आरौ उनाव कर्टनि सोरगिदिं मोसानानै रंजनाय लायो। ज्वेरेभ ओंखारनायनि उनाव बुहुमनि 5थि नम्बरनि जकभिव, जाय चीननि फाइनेस्वियल सेन्टाराव रेकॉर्ड बारायनाय 5थि बिमुंखौ मोन्नो नाजागासिनो दं, दा रेंकिंआव जौसिन मासि आवग्रिनो हायो मानोना टुर्नामेन्टआ जोबथा 16 आव सौहैनो हायो। जकभिचनि उनाव नैथि जौसिन मासि मोन्नाय गेलेगिरि एलेक्स डि मिनौरआ पलेन्डनि कामिल मजचरजाकखौ 6-1, 7-5 आव गोरलैयै फेजेन्नानै ब्रैथि राउन्डआव सौहैयो। आं बे सप्ताहआव हाबदोंमोन दि, थासारिफोरा बेसेबां जुजिनो गोनां जागोन बुहुमनि 7थि नम्बर गोनां गेलेगिरिआ बुडो।

भारतआ 2025 एसियान एक्वाटिक्स वाटर पल'आव काजाकिस्तानजों जेन्दों

आहमेदाबाद, 7 अक्टबर: 11थि एसियान एक्वाटिक्स चेम्पियनसिप 2025 आव वाटर पल' आरौ आर्टिस्टिक सुइर्मिनि थाम्थि सानाव समबारखालि भिर साभरकर स्पर्ट्स कम्प्लेक्सआव भारतनि हौवाफोरनि वाटार पल' हान्जाया कजाकिस्तानजों 6-20 आव जेनो। फारसेथिं आरिमुआरि सानस्त्रिनायाव काजाकिस्ताननि करिना मागुप'भाआ आइजोफोरनि हारसिं फ्रि आरौ भिक्टर दुजिनआ हौवाफोरनि हारसिं फ्रिखौ देरहानो हायो। हौवाफोरनि गु.प-बिआव काजाकिस्तानआ भारतनिल हेंथायै 20-6 स्करआव देरहानो हायो। बाल्ताबकुलि आदिल आरौ नेदकन्टसेभआ सासेयाव 4-4 गल सोनो हायो, टसय एडुआर्दाआ 3 गल सोनो हायो आरौ लामायथ मेक्सिम,



शेकनभ मुरात आरौ अकिम्बे आल्दियारआ गर-2 गल सोनो हायो। बेनि अनगायैबो अखमेतभ रुस्तान, मादिमार आलमत आरौ बरभस्की मस्तिस्लाभआ 1 गल सोयो। भारतनि जानानै भागेश कुथेआ 3 गल सोनो हायो आरौ उदय उतेकार आरौ प्रबिन गोपीनाथनआ गर-1 गल सोनो हायो। आइजोफोरनि गु.प-एआव जापानआ सिंगापुरखौ 26-13 आव फेजेनो। जापानआ कबायाशी महआ 6 गल सोनानै

गोख्रों गेलेनायखौ लाखिबाय थानो हायो। बेनि उनाव सबजिमा सकुराया 4 गल सोनो हायो आरौ केटेन फुकुदा शका, लउरे नीना, सान्दा युमेका आरौ शिरनशिता काह' बिथांमोनहा गर-3 गल सोनो हायो। शिबाता कानाडेआ 2 गल सोनो हायो, जेराव बान्ड'रिक' आरौ इगुची सेइराआ गर-1 गल सोनो हायो। सिंगापुरनि जानानै याप जिंजुआनआ मोन 4, लिम वान जुन आरौ लि जुआन हाइआ गर-

3 गल सोनो हायो आरौ टिअ' जि सुआन, कोह टि' आरौ येअ थिंगआ गर-1 गल सोनो हायो।

मेनचेस्टर सिटीआ ब्रेन्टफर्डखौ 1-0 गलनि फारागथिआव फेजेन्नानै 5थि मासियाव सौहैदों

लन्डन, 7 अक्टबर: एलि हालेन्डआ बे सिजननि प्रिमियर लीगआव गावनि 9थि गलखौ सोनो हाबाय। ब्रेन्टफर्डआव मेनचेस्टर सिटीनि थाखाय गोब्राव जुजिनानै 1-0 आव देरहासारनो हायो आरौ रबिबारनि मोनाबिलियाव हान्जाखौ 5थि मासियाव लानो हायो। नर्वेनि गेलेगिरिआ गुथि मिनिटआव गल सोनो हायो। सिजननि थाखाय गावनि गोख्रों जागायनायखौ लाखिबाय थायो मानोना सिटीआ गासै बादायलायनायफोर।व

आंकुशिता बर' आरौ अरुन्धतीआ बिएफआइ काप 2025 आव सनानि मेडेल देरहानो हादों

गोदान दिल्ली, 7 अक्टबर: आसामनि आंकुशिताआ 60-65 कि:ग्रा: लिरथाइनि केटेगिरिआव राजस्ताननि पार्थभि ग्रेवालखौ 3:2 आव फेजेन्ना गावनि ट्रेडमर्किनि गोख्रों बादायनायखौ दिन्थिफुदों, जेराव आरुन्धतिआबो स्नेहानि हेंथा 5:0 जों देरहानायजों लोगोसे 65-70 कि:ग्रा लिरथाइनि केटेगिरिआव गावनि गोख्रों गेलेनायखौ दिन्थिफु डो। बुहुमनां चेम्पियनसिपआव ब्रन्ज मेडेल देरहागिरि परभिन हुड्डुआबो (57-60 किग्रा) फाइनाल गेलेनायाव प्रिया (हारियाना) खौ 3:2 जों फेजेन्नानै देरहासारनो हायो मानोना एलिट आइजोफोरनि बादायलायनाया गासै मोन 10 लिरथाइ थाखोआव गावनि चेम्पियनखौ मुकुट गानहोयो। फैबाय थानाय बक्सारफोरखौ गावसोरनि रोंग'थि दिन्थिनो थाखाय मोनसे प्लेटफर्म आरौ गायसनजानाय स्टारफोरखौ गावसोरनि थियारिफोरखौ आन्जद नायनो खाबु होनो नाजानायाव बिएफआइआ 1-7 अक्टबरसिम चेन्नाइआव गिबि बिएफआइ काप 2025 खौ खुंफुगोन, जेराव मुलुनानां बक्सिं मानदान्दानि गेजेरजों 10 लिरथाइ थाखोफोराव गोर्जौ थाखोनि हौवा आरौ हिन्जाव सानैनिबो थाखाय



बादायलायनाय जागोन। बे बादायलायनायनि सना आरौ रुफानि मेडेल मोनगिरिफोरा एलिट नेसनेल केम्पआव हाबहैनो हागोन। गुबुन आइजोफोरनि फाइनाल गेलेनायाव निभेदिता कार्का (उत्तराखण्ड) आ 45-48 कि:ग्रा लिरथाइ थाखोआव बुहुमनां चेम्पियनसिप सिलभार मेडेल देरहागिरि मन्जु रानि (रेलवे)खौ 3:2 जों फेजेन्नानै बिमुंखौ मोनो हायो, जेराव भावना शर्मा (रेलवे) आ 48-51 किलग्राम गिल्लिर थाखोआव सविता (रेलवे) खौ 5:0 जों फेजेनो। महाराष्ट्रनि खुशी जाधवआ दिव्या पावारखौ 3:2 जों फेजेन्नानै (51-54 किग्रा) सनानि मेडेल आरौ हिमाचल प्रदेशनि बिनाक्षी धताया (54-57 किग्रा) लिरथाइ थाखोआव मुस्कानखौ 5:0 जों फेजेनो। मनिकाआ निशु

(हारियाना) खौ 4:1 जों फेजेन्नानै (70-75 किग्रा) क्राउन आवग्रिनो हायो, बबिता बिष्टआ (75-80 केजि) थाखोआव कमल (पान्जाब) खौ 3:2 जों फेजेनो आरौ रितिकाआ शिवानि तमरखौ 5:0 जों फेजेन्नानै (80-80+ किग्रा) बिमुंखौ मोन्नो हायो। हौवाफोरनि फारसे एस. विश्वनाथ (सार्भिस) आ (47-50 किलग्राम) गिल्लिर थाखोनि गपि मिश्रा (सार्भिस) खौ 5:0 जों फेजेन्नानै फाइनालआव सौहैयो। नाथाय एसियान गेम्सनि सनानि मेडेल देरहागिरि अमित पंघालआ (50-55 किग्रा) सेमि फाइनाल गेलेनायाव हान्जानि लोगो आशीष (सार्भिस) जों 1:4 आव जेन्नो गोनां जायो, फारसेथिं बुहुमनां चेम्पियनसिपनि ब्रन्ज मेडेल देरहागिरि महम्मद हुसामुद्दिन (सार्भिस) आ (55-

60 किग्रा) बादायनायाव मिलेश देसवाल (रेलवे) खौ 5:0 जों फेजेन्नानै गावनि साबसिन खारनायखौ लाखिबाय थानो हायो। हादरसा इन्टिफोर आरौ बर्डफोरनि बक्सारफोर जाय एलिट नेशनेल्सआव टप 8 आव जायगा आवग्रिनो हादोंमोन, बिथांमोनहा बिएफआइ कापआव बाहागो लागसिनो दं, लोगोसे साइ एनसिअइ आरौ बानजायगिरि हादरसा तामिलनाडुनि एन्टिफोरा बाहागो लागसिनो दं। बे सारियाव थानाय मोननै एलिट नेशनेल चेम्पियनशिपनि बाहागो लाग्राफोर 2024 आरौ 2025 एसियान -22 चेम्पियनशिपनि भारतआरि हान्जानि सोद्रोमाफोरजों लोगोसे 2022 माइथायनिफ्राय हादरनांआरि बादायलायनायनि मेडेल देरहागिरिफोरबो बाहागो लाफागोन। बे बादायलायनायाव आरौबाव गोथैसिन दाजाबदेरना जाबाय गवा आरौ उत्तराखण्ड नेसनेल गेम्स आरौ 6थि लाइमोन नेसनेल गेलेगिरिफोरनि मेडेल मोनगिरिफोर। गासैबो मुं थिसन्नायफोरखौ मावख'आरि हादरसा खोन्दो आरौ बर्डफोरनि गेजेरजों होनाय जायो। बे दुर्गामेन्टआ गाबोन हौवाफोरनि फाइनाल गेलेनायजों जोबगोन।

सेभिलाया बार्सिलनारखौ फेजेन्नानयनि उनाव रियेल मेड्रिडआ जौसिन मासि आवग्रिफिन्नो हादों

माड्रिड, 7 अक्टबर: रियेल मेड्रिडआ भिलारियालखौ फेजेन्नानै ला:लीगाखौ देदेन्नानै इन्टारनेसनेल ब्रेकआव थाडो, जेराव एफसि बार्सिलनाआ रबिबाराव सेभिलाजों 4-1 आव जेन्नो गोनां जायो। लामिन यामाल आरौ राफिन्हा गैयालासे आरौ बुधबारनि पेरिस सेन्ट-जार्मेनजों 2-1 जों जेन्नानयनि उनाव मेंनायनि नेरसोन दिन्थिनानै बार्सिलना गिबि हाफआव जुजिनो गोनां जादोंमोन। एलेक्सिस सान्बेजआ पेनाल्टीनिफ्राय गल सोनो हानायनि सिगां इसहाकर मर'आ सेभिलानि सिगांनायखौ बांहोयो, जेराव मार्कस रशफर्डआ गिबि हाफनि थाथ'नाय समाव उन गल सोनो हायो। नैथि हाफआव रबार्त लेवानडस्कीआ पेनाल्टिखौ सोलायहोनो फेलें जायो आरौ जस एन्टनिय' कार्मनाया 89 मिनिटआव सेभिलाखौ मोननै गलजों सिगांलानो हायो। अकर एडम्सआ थाथ'नाय सम जोबनायाव ब्रैथि गल सोनो हायो आरौ थिरांथा गोनां देरहासारनो हायो। शनिबारखालि रियेल मेड्रिडआ भिलारियेलखौ 3-1 आव फेजेनो। हाफटाइमनि उनाव भिनिसियास जुनियरआ मोननै गल सोनो हायो, नैथि गलआ



पेनाल्टीनिफ्राय फैयो, जेराव जर्जेस मिकाउतादजेआ 73 मिनिटआव दावबायारिफोरखौ मिर्जिनि मोनसे स्नां होयो। भिलारियेलनि मिर्जिफोरा फेलें जादोंमोन जेब्ला सेन्टियाग' मौरिनोआ भिनिसियासजों एसेल' सोमोन्दोन थाखाय नैथि गोमो कार्ड मोनो आरौ किलियान एम्बापेआ आर्थिआव एसे दुखु मोन्नायनि जाहोनाव फोथारखौ नागारनायनि दाइन मिनिट उनाव देरहानायखौ रोखा खालामो। एटलेटिक मेड्रिडआ सेल्ता भिग'खौ 1-1 आव इ' खालामनायनि उनाव थानाय सप्ताहनि डर्बी देरहानायनिफ्राय गोबां गोख्रैथिखौ खोमाना लादोंमोन। कार्ल स्टारफेल्टनि गिबि गलआ एटलेटिकखौ सिगांलानो हादोंमोन। नाथाय 40 मिनिटआव क्लेमेन्ट लैग्लेटनि गोजा कार्डआ गेलेनायनि लामाखौ सोलायहोयो। जान अब्लाकआ बरजा इग्लेसियासनि शटखौ बासायनायनि उनाव नैथि हाफआव इयाग' अस्प्यासआ समान-समान जायो। एल्चेनि 7 मेचनि फेजेन्नो हायै स्ट्रीकआ आलाभेसखौ 3-1 आव फेजेन्नानै फोजोबो, जाय कार्लस भिसेन्टिनि पेनाल्टि आरौ टनी मार्टिनेजनि गरसे गलजों 2-0 आव सिगांलानो हायो। आन्दे दा सिल्भाया थाथ'नाय समाव गल सोनानै खमायनो हायो, नाथाय लुकास बयआ थाबैनो आलाभेसनि मोननै गलनि खाबुखौ गायसनफिनो हायो। रियेल बेटिसआ खम जानानै एस्पानियलखौ 2-1 आव फेजेन्नो हायो। नैथि हाफआव कुच' हर्नांडेज आरौ एज आब्देनि गलजों पल लजान'नि गिबि गलखौ उल्था खालामो। 100 मिनीटआव जाभि पुआडनि पेनाल्टि बासायनानै एस्पानियलनि बारग' गलकिपार पाड लपेजआ देरहानायखौ रोखा खालामो। रोखो भैलेकानआ बृहस्पतिबारनि कनफ्रेन्स लीग देरहानायनिफ्राय

गावसोरनि गोख्रों फर्मखौ लाखिबाय थादों। अल्फन्सो एस्पिन'आ गोबावै गल सोनानै जुजिगासिनो थानाय रियेल ससिडाडनि हेंथायै 1-0 जों देरहासारनो हादोंमोन। एथलेटिक बिलबाअ'आ मालकांखौ 2-1 आव फेजेन्नानै मोनब्रै गेर्मान देरहानाय गैयै खारनायखौ फोजोबो। इनाकि भिलियाम्सआ गिबि पेनाल्टि सोनो हायो, सामु कोस्टानि क्रसआ दावबायारिफोरनि थाखाय गल सोनो हायो। नाथाय एलेजान्द्र' रेग'आ दसे समनि उनावनो जिसस अरेस'नि हेफाजाबजों देरहानाय गलखौ मोनो हायो। लेभान्चेआ कार्लस अल्भारेज आरौ इत्ता इयंनि गल सोनानै अभाइद'आव मोनथाम पइन्ट मोनो हायो आरौ लोगो गोदानै दावगानाय हान्जाफोरनि हेंथायै 2-0 आव देरहायो। सा 9 गेलेगिरिफोरजों गेलेनानै गिर'नाया भैलेन्सियाखौ 2-1 आव फेजेन्नो हायो, भलादिस्लाभ भानत आरौ अर्नौ मार्टि'नेजनि गलनि जोहै। दावबायगिरिफोरनि थाखाय डिएग' लपेजआ गल सोदोंमोन, जेराव इभान मार्टिन आरौ एलेजेन्ड्र फ्रान्सिसखौ जोबनायार्थि थिहरनाय जादोंमोन।